


ЎЗБЕКИСТОН БАДИЙ АКАДЕМИЯСИ  
КАМОЛИДДИН БЕҲЗОД НОМИДАГИ МИЛЛИЙ  
РАССОМЛИК ВА ДИЗАЙН ИНСТИТУТИ

Х.Б. ҚОДИРОВА



# АТАМА ВА ИЗОХ

(Миллий тасвирий ва амалий санъат  
атамаларининг ўзбекча-русча-инглизча изоҳлаш  
масаласи)



МОНОГРАФИЯ

Тошкент – 2019

Монография ИТД-1. Жамиятни маънавий-ахлоқий ва маданий ривожланиши, маънавий қадриятлар, миллий гоя, маданий мерос, ўзбек халқи ва давлатчилик тарихини ҳамда таълимнинг узвийлик ва узлуксизлигини, баркамол авлод тарбиясини тадқиқ этиш бўйича рўйхатга олинган грант асосида амалга оширилган амалий илмий-техник тадқикот бўлиб, у тасвирий ва амалий санъат ихтинослиги вакилларига мўлжалланган.

Рўйхатга олинган коди: ЁА1-ФҚ-0-07289

**Илмий маслаҳатчи:**

**Менглиев Бахтиёр**

филология фанлари доктори,  
профессор

**Такризчилар:**

**Раупова Лайло**

филология фанлари доктори,  
профессор

**Абдураҳмонова Муқаддас**  
филология фанлари номзоди,  
доцент

Монография Камолиддин Беҳзод номидаги Миллий рассомлик ва дизайн институти Кенгаши қарори билан нашрга тавсия қилинган (2018 йил 28 сентябрдаги 2-сонли баённома)

## АННОТАЦИЯ

Монография миллий тасвирий ва амалий санъат атамалари тадқиқига бағишиланган бўлиб, унда мазкур атамаларнинг учтилли изоҳли лугатини яратиш муаммоси кўтарилиган. Ўзбекистон санъати ва маданиятининг тараққиёти натижасида нутқда ўз аксини топган тасвирий ва амалий санъатга оид атамаларнинг миллийлик нуқтаи назардан таҳлил этилиб, сўзларнинг русча ва инглизча мукобилининг айрим хусусиятлари ёритиб берилган. Шунингдек, ўзбек муҳитида кенг тарқалган Европа нутқининг лисоний бирликлари юзасидан қилинган ишлар таҳлили келтирилган. Муаллиф атамаларни бир қолипга солиш, чуқур таҳлил қилган холда сўзларни ўз ўрнида ишлатиш тартибини белгилаш, нутқий маданият ва нутқий салоҳият мезонларини ишлаб чиқишига доир таклиф ва мулоҳазалар билдирган.

Монография кириш, З фасл, хулоса ва адабиётлар рўйхатидан иборат. У жамиятни маънавий-ахлоқий ва маданий ривожланиши, маънавий қадрияллар, миллий ғоя, маданий мерос, ўзбек халқи ва давлатчилик тарихини ҳамда таълимнинг узвийлик ва узлуксизлигини, баркамол авлод тарбиясини тадқиқ этиш бўйича рўйхатга олинган грант асосида амалга оширилган амалий илмий-техник тадқиқот бўлиб, у тасвирий ва амалий санъат ихтисослиги вакилларига мўлжалланган.

## АННОТАЦИЯ

Монография посвящена изучению терминологии национального изобразительного и прикладного искусства, а также рассматривается проблема создания трёхязычного словаря этих терминов. В результате развития искусства и культуры Узбекистана термины изобразительного и прикладного искусства, отраженные в речи, были проанализированы с национальной точки зрения, а также выделены некоторые особенности русской и английской альтернатив. Также представлен анализ лингвистических единиц европейской речи, широко используемых в среде Узбекистана. Автор сделал предложения и комментарии о том, как положить термины в форму, глубоко проанализировать порядок использования слов, развивать речевую культуру и речевые возможности.

Монография состоит из введения, трех глав, вывода и списка публикаций. Это практическое научно-техническое исследование,

---

основанное на духовном, нравственном и культурном развитии общества, духовных ценностях, национальной идее, культурном наследии узбекского народа и государства. Монография предназначена для изучения специалистов, обучающихся в отрасли изобразительного и прикладного искусства.

## ANNOTATION

The monograph is devoted to the study of the national visual and applied art terminology, with the problem of creating a bilingual dictionary of these terms. As a result of the development of art and culture of Uzbekistan, the terms of applied and applied arts, which are reflected in the speech, have been analyzed from the national point of view, and some of the features of the Russian and English alternatives are highlighted. The analysis of the linguistic units of the European Speech, widely used in the Uzbek environment, is also presented. The author has made suggestions and comments on how to put the terms into a mold, deeply analyze the order of use of words, to develop speech culture and speech capabilities.

The monograph consists of introduction, three chapters, conclusion and a list of literature. It is a practical scientific and technical research based on the spiritual, moral and cultural development of the society, the spiritual values, the national idea, the cultural heritage, the history of the Uzbek people and the state, the continuity and continuity of education, the study of harmoniously developed generation, and applied art.

# СЎЗБОШИ

Тилни илмий асосда ҳар томонлама ривожлантириш жамият ҳаёти билан бевосита боғлиқ экан, ижтимоий ҳаётда рўй бераётган ўзгаришлар тилда акс этиши муқаррар. Бу ўзгаришлар ҳаммадан кўпроқ тилнинг лугат бойлигига ўз ифодасини топади. Ислом Каримов «Юксак маънавият – енгилмас куч» асарида алоҳида таъкидлаганидек, «айниқса, фундаментал фанлар, замонавий коммуникация ва ахборот технологиялари, банк-молия тизими каби ўта муҳим соҳаларда она тилимизнинг қўлланиш доирасини кенгайтириш, этимологик ва қиёсий лугатлар чоп этиш, зарур атама ва иборалар, тушунча ва категорияларни ишлаб чиқиш, бир сўз билан айтганда, ўзбек тилини илмий асосда ҳар томонлама ривожлантириш миллий ўзликни, Ватан туйғусини англашдек эзгу мақсадларга хизмат қилиши шубҳасиз.»<sup>1</sup>

Ўзбекистон санъати ва маданиятининг шиддатли тараққиёти нутқимизда ўз аксини топар экан, тасвирий санъат, амалий санъат, интерьер дизайн, либос дизайнни ва санъатшуносликка оид атамалар, миллий-маданий нутққа оид ўзбекча сўзларнинг русча ва инглизча муқобили ҳамда Европа нутқининг лисоний бирликлари ўзбек муҳитида кенг тарқала бошлаганлиги тилшунослар масъулиятини янада ошириши муқаррар. Зеро, бунинг оқибатида уларни бир қолипга солиш, чукӯр тахлил қилган холда сўзни ўз ўрнида ишлатиш тартибини белгилаш, нутқий маданият ва нутқий салоҳият мезонларини ишлаб чиқиш вазифалари вужудга келади. Зеро, миллий ва нутқий

<sup>1</sup> Каримов И.А. Юксак маънавият – енгилмас куч. – Т., Маънавият, 2007. – Б.87.

маданиятимизни ўзида мужассам этган терминларни, хусусан, миллий тасвирий санъатимиз атамаларини чет тилидаги муқобилини мавжуд бўлса, топиш, бўлмаса, ўз ҳолича қолдириб, талаффузини ишлаб чиқиш амалий муаммо ҳисобланади. Бу борада дунё ва рус тилшунослигининг турли йўналишларида қатор ишлар амалга оширилган. Ўзбек тилшунослигига мустақилликкача яратилган тасвирий санъатга оид дарсликлар, ўқув қўлланмалари, каталоглар, асосан, рус тилида бўлганлиги ва улар ўзбекчага таржима қилинмаганлиги, инглизча аннотацияси мавжуд бўлмаганлиги, ўзбекча адабиётларнинг ҳам талаб даражасида эмаслиги бу соҳада ислоҳотлар қилиниши зарурлигини кўрсатиб, ушбу иш мазкур бўшлиқни тўлдиришига амалий ёрдам кўрсатади. Тасвирий санъат соҳасидаги миллий-маданий атама ва бирликларни чет тилида акс эттириш; замонавий атама ва бирликлар билан муқояса қилиш; уч тилда мавжуд бўлган тушунчаларнинг мутаносиб ҳамда фарқли жиҳатларини тушунириш; факат ментал хусусиятга эга рус ва инглиз тилида мавжуд бўлмаган тушунча ва атамаларнинг Европа лисоний тизимидағи ўрни ва талаффузини ишлаб чиқиш; инглизча, русча атама ва бирликларнинг ўзбекча муқобилини топиш, муқобили бўлмаса, изохини келтириш; мазкур билимларни тўплаб таҳдил этиш ҳамда илмий назарий асосланган мақола ва тезислар чоп эттириш, йиғилган маълумотлардан луғат яратиш ва уни халқقا тақдим этиш шулар жумласидандир.

Маълумки, Камолиддин Беҳзод номидаги Миллий рассомлик ва дизайн институтида мазкур соҳа бўйича етук мутахассис ва олимлар мавжуд, улар ушбу илмий-техник тадқиқотни амалга оширишда амалий ёрдам кўрсатди. Шунингдек, жаҳон миқёсида ўз ўрнига эга

ва кўплаб жаҳон санъат арбоблари назарига тушган, эътироф этилган санъат Биеналлилари (тасвирий, фото йўналишлари) ва анъанага айланган, йилдан йилга нуфузи ортиб бораётган “Тасвирий санъат фестивали”га халқаро доирадаги санъат мутахассисларининг ва рассом, фотографлар, дизайннерларнинг иштироки натижасида миллий тасвирий санъатимизга кириб келган янги йўналишлар, ғоялар акс этган асарлар, манбаалар ишнинг асосий объектларидан. МРДИ ахборот-ресурс марказида институт ташкил этилган санадан бошлаб жамғарилган манбалар лойиҳанинг асосини яратишга хизмат қилди. Хусусан, Ўзбекистон Бадиий Академияси ва МРДИ сайтларида мунтазам янгиланиб борилаётган ахборотлар, кўргазмалар ҳақидаги маълумотлар ҳам тадқиқот манбай ҳисобланади.

Ўзбекистон Республикасининг «Таълим ҳақида»ги Қонуни, «Кадрлар тайёрлаш Миллий Дастири», Ўзбекистон Республикаси Вазирлар Маҳкамасининг 1999 йил 16 августдаги 390-“Умумий ўрта таълим Давлат таълими стандартларини тасдиқлаш ҳақида”ги Қарори, Ўзбекистон Республикаси Президентининг фан ва таълим ҳақидаги фармон ва қарорлари ҳамда ҳукуматимизнинг фан-техника тараққиётини ҳамда таълим мазмуни сифатини такомиллаштиришга доир қарорлари илмий муаммолизнинг лингвистик жиҳатларини ҳал қилишда методологик асос сифатида таянилди. Шунингдек: 1) тасвирий ва амалий санъат атамалари хусусиятларини баён этишда, лисоний бирликларнинг маъно ифодалашида пайдо бўлувчи янги хусусиятларни тавсифлашда тавсифлаш методидан; 2) тасвирий ва амалий санъат атамалари кўлланган матнни яхлит система сифатида олиб систем таҳлил методидан; 3) ҳар қандай лисоний бирликнинг

нутқий воқеланиши матний хосланганлигини, лисоний бирликлар матн унсури таъсирида турли маъновий хусусиятларни ифодалашини асослашда контекстуал таҳлил методидан; 4) тасвирий ва амалий санъат атамаларининг семантик хусусиятларини тавсифлаш ва фарқлашда, уларнинг даражаларини ёритишда дифференциал-семантик таҳлил методидан; 5) санъат соҳасидаги бирликларнинг воқеланиш доирасини аниқлаш, уларнинг воқеланишида қуршовчи бирликларнинг ролини очишда дистрибутив таҳлил методидан; 6) айрим тушунчаларни қиёслаш ва фарқлашда ўрни билан қиёсий-типологик методидан фойдаланилди.

– ўзбек тилшунослигига миллий тасвирий санъат атамалари тадқиқ даражаси шарҳланди, жаҳон ва ўзбек тилшунослигига атамалар луғатларининг ўрганилиши, бундаги ютуқ ва муаммолар ҳамда уларнинг ечимига доир вазифалар хусусида фикрлар баён этилди;

– миллий тасвирий санъат атамалари биринчи марта илмий тадқиқ қилинди;

– миллий тасвирий санъат атамалари изоҳли луғати тузилди.

Иш Ўзбекистон тарихи ва маданияти билан қизиққан хорижий санъатшунос ва тасвирий санъат ихлосмандлари учун зарурий кўлланма сифатида аскатади. Юртимизнинг русий забони инглизмиллатига мансуб вакиллари ҳамда меҳмонлар, сайёҳлар миллий тасвирий санъатимиз ва маданиятимиз ҳақида тўғри тасаввурга эга бўла олади. Зеро, улар учун номаълум бўйлан нафақат лисоний бирлик, балки муайян тушунчалар тасвирий санъат асарлари, меъморий обидалар ва урф-одатлар акс этган иллюстрациялар орқали ҳам қисқача изоҳларда тушунтирилади. Шунингдек, юқорида қайд этилган нуфузли халқоро

---

миқёсида ўтказиладиган тадбирларда бу маҳсулотнинг реализациясини ҳам амалга ошириш мумкин.

Лутғатнинг яна бир аҳамиятга молик томони шундаки, у миллий тасвирий санъатимиз вакиллари, мутахассислари ҳамда талабаларининг илмий ишларидаги асосий адабиётлар рўйхатидан жой олади, шунингдек, инглиз тилини пухта эгаллаган Ўзбекистон фуқаросининг хорижий давлатларда ўзбек миллий санъати ва маданиятини кенг тарғиб қилиш ишларида дастурий манба бўлиб хизмат қиласди.

Тадқиқотнинг асосий мазмуни ва хуносалари Миллий рассомлик ва дизайн институти талабалари билан ўтказилган ўқув машғулотларида амалиётга татбиқ этилган, иш натижаларидан маъруза матнлари ёзишда фойдаланилган.

Тадқиқот ОАҚ рўйхатига олинган ва лойиҳа сайтида эълон қилинган. МРДИ Тиллар ва адабиёт кафедраси йигилишида (2014 йил 16 январь, 6-сонли баённома) ҳамда МРДИ Кенгашида (2014 йил 14 февраль, 10-сонли баённома) муҳокама қилиниб, тасдиқланган. Тадқиқот мавзуси юзасидан Республика миқёсида бўлиб ўтган тилшунослик масалаларига бағишланган илмий анжуманларда маърузалар қилинган.

## КИРИШ

Бугунги кунда ўзбек замонавий санъатида тарихий анъаналар билан янги изланиш ва услуб, турли йўналишлар уйғунлашиб бормоқда. Хусусан, мустақиллик йиллари давомида уларнинг тўлиқ ривожланишига катта имконият яратилди. Миллий тасвирий санъат сиёsat даражасига кўтарилиди. 1997 йилда бадиий таълимнинг янада ривожланишига туртки берган Ўзбекистон бадиий Академиясининг ташкил топиши бунга яққол далил.

Шарқ мамлакатлари орасида Ўзбекистон ўзига хос бой тарихи, санъати ва маданияти билан алоҳида ажralиб туради. Бу ўлканинг кўхна ноёб меъморий обидалари, энг янги замонавий бинолар чет мамлакатларда доимо катта қизиқиш уйғотган. Қадимги кўргонларидан топилган осори атикаларининг бугунги кундаги намуналари миллатимиз, маданиятимиз кўрки эканлигини жаҳонга маълум қилиш ва бунга етарлича асос борлигини қайд этиш асосий вазифамиз. Зеро, ўз ижоди билан дунё халқларини ҳозиргача ҳайратга солиб келаётган буюк мусаввир, “Шарқ Рафаэли” Камолиддин Беҳзод жаҳон тасвирий санъати ва маданияти тарихида чукур из қолдирган. Унинг миниатюра соҳасида баракали ижод қилганлиги, машхур Шарқ миниатюра мактабининг асосчиси сифатида Уйғониш даври бадиий таълим илмий методик тизимининг шаклланиши ва ривожланишига катта таъсир кўрсатганлиги ва, энг муҳими, миллий тасвирий санъатимиз узоқ тарихга эга бўлиб, ўзига хос атамаларга ҳам бой эканлиги ўзгаларда миллий тасвирий санъатимиз ҳақида етарлича тасаввур уйғота олади.

Ўзбекистон санъати ва маданияти, хусусан, тасвирий санъат, амалий санъат, интеръер дизайн, либос дизайнни ва санъатшуносликка оид, шунингдек, кўхна меъморий обидалар билан боғлиқ ўзбекча-русча-инглизча атамаларни тадқиқ қилиш ва изоҳли луғатини яратиш нафақат санъат ва маданиятилизни дунёга танитиш балки, Ўзбекистоннинг таълим тизимини яхшилашга ҳам замин яратади. Зоро, мамлакатимизда баркамол авлодни вояга етказишга қаратилган ислоҳотларнинг самараси ўлароқ кейинги қисқа вақт ичида ёшлиаримизнинг интелектуал салоҳиятида сезиларли ўзгариш юз бермоқда. Бадиий таълим ҳам “Таълим тўғрисида”ги Қонун ва “Кадрлар тайёрлаш миллий Дастури”нинг мақсади билан уйғунлашиб “таълим соҳасини тубдан ислоҳ қилиш, уни ўтмишдан қолган мағкуравий қарашлар ва сарқитлардан тўла халос этиш, ривожланган демократик давлатлар даражасида, юксак маънавий ва ахлоқий талабларга жавоб берувчи юқори малакали кадрлар тайёрлаш Миллий тизимини яратиш”<sup>1</sup>га ўз ҳиссасини қўшмоғи лозим.

Мамлакатимиз тасвирий санъати узлуксиз таълим тизимида 12 хил мутахассис тайёрлаш бўйича етакчи марказ ҳисобланган мактаб-интернат, 3 та коллеж ва Камолиддин Беҳзод номидаги Миллий рассомлик ва дизайн Институти фаолият юритади. Ушбу институтнинг ўз номига муносиб равишда миллийликни ривожлантиришга қаратилган таълимга таяниб иш кўриши аҳамиятга молик. Зоро, у тасвирий ва амалий санъат, шунингдек дизайн йўналиши бўйича мутахассис кадрларни етиштириб чиқарувчи Марказий Осиёда ягона ихтисослаштирилган бадиий олий

<sup>1</sup> Кадрлар тайёрлаш миллий дастури / Ўзбекистон Республикаси қонун ҳужжатлари тўплами, 2007 й., 15-сон, 150-модда

таълим муассасаси. Институтда 4 та факультет фаолият юритади: “Тасвирий санъат”, “Амалий санъат”, “Дизайн”, “Санъатшунослик”.

Мазкур ихтисослик бўйича таҳсил олаётган бўлажак рассом, дизайннер, ҳайкалтарош каби талабаларнинг назарида ўзбек тили, рус тили фанлари мутахассисликка нисбатан кейинги ўринларни эгаллади. Ваҳоланки, уларнинг санъат соҳасидаги ижодий қўникма ва малакалари ижтимоий талабларга жавоб бериши, меҳнат лаёқатини ўстириш учун юқоридаги фанларнинг ўрни бекиёс. Зоро, улар нафақат санъат соҳасида фаолият юрита олиши, балки, улар хусусида муносабат билдира олиши керак. Айниқса, ўзбек санъати ва маданияти ривожланиб бораётган бир вақтда ўзга тилдаги талаба уни тушуна олиши, тафаккур қила олиши тараққиёт гаровидир.

Таълим жараённида ўзбек тилининг грамматикаси билан биргаликда матн устида ишлашга ҳам катта аҳамият берилади. Санъат соҳасидаги атамалар луғати билан ишлаш эса адабиётлардан унумли фойдаланишга, энг асосийси, ўқишга ва ўзи танлаган касбига бўлган қизиқишлигини, шунингдек, педагогга нисбатан ҳурматини кучайтиради. Талабалар нафақат ўзбек тилининг лугат таркиби, балки тасвирий ва амалий санъат, дизайн соҳаси атамаларининг ўзбекча муқобили билан танишишлари мумкин. Буюк рассомлар, таниқли картиналар, санъатшуносликка оид масалалар юзасидан ўзбек тилида фикр билдира олиш, таҳлил этиш, баҳс мунозараларга киришиш каби қўникма ва малакаларга эга бўлишлари мумкин. Бу эса тасвирий ва амалий санъат, дизайн йўналишларида таҳсил олаётган рус гурухи талабаларининг ўзбек санъати хақида тассавурининг бойишига, уни чукурроқ англашига, шунингдек, таржима қила олиш қўникма

ва малакасини ҳосил қилишига олиб келади. Мана шу мақсадда, лугатларга мурожаат этиш, луғатлар билан ишлаш айни муддао. Фақат бир муаммони ҳисобга олмаганды...

Кейинги йилларда ўзбек тили луғатчилигига самарали ва сезиларли ишлар амалга оширилмоқда. Шунингдек, турли соҳага бағишиланган, ўқувчиларнинг ёши, савияси ва дунёқарашини ҳисобга олиб тузилган луғатлар ҳам кенг кулоч ёзди. Филологик тадқиқотлар жамият тараққиёти билан ҳамнафас бўлди. Атамаларнинг тилшунослик<sup>1</sup>дан бошлаб турли фанларга оид изоҳли луғатлар ўзбек луғатчилиги тараққиётiga улкан ҳисса қўшди. Бироқ тасвирий ва амалий санъат ёки дизайн соҳаси тўғрисида бундай фикрни билдира олмаймиз. Санъат йўналиши бу масалада бироз оқсайди. Энди, бу бўшлиқни эътиборга олишимиз, тезда уни тўлдиришга бел боғлашимиз даркор.

---

<sup>1</sup>Хожиев А.П. Тилшунослик атамаларининг русча ўзбекча луғати. – Т., Фан, 1993. – 46 б.; Она тили. Қомус. Тузувчилар Б.Менглиев ва б. – Т., Янги аср авлоди, 2010. – 268 б.; Замонавий она тили. Мавзулаштирилган луғат. Тузувчилар Б.Менглиев ва б. – Т., Шарқ, 2011. – 280 б.

## Биринчи фасл

# АТАМАЛАРИНИНГ СЕМАНТИК СТРУКТУРАСИ ҲАҚИДА

Ахборот технологиялари асрида ижтимоий-сиёсий фаол ҳаёт, илмий кашфиёт ва тадқиқотлар туфайли янги-янги атамаларнинг вужудга келиши ҳеч кимга сир эмас. Бу ҳодиса янгилик бўлмай, асрлар мобайнида янги тушунча, ҳодиса ва буюмларни ифода этиш учун керак бўлган. Шу тариқа, у ёки бу сабаб туфайли тилнинг захираси доимо янги сўзлар билан бойиб борган. Бунга нафақат тарихий ва сиёсий, балки маданий ва илмий-техник ҳодисалар ҳам туртки бўлган.

Янги терминларнинг пайдо бўлиши таржимонлар тажрибасида кенг ёйилган ҳодиса. Номаълум терминни таржима қилиш янги терминларни пайдо қилишга асосланади. Шубҳасиз, энг оммабоп усул ўзлаштириш ҳисобланади ва фақат шунинг учун ҳам, байналмилад сўзлар катта кўламга эга. Бугунги кунда ўзлашган лексиканинг бойишида интернет асосий ресурслардан бири ҳисобланади. Бундан ташқари, янги терминлар тилнинг ички ресурслари асосида ҳам пайдо бўлади. Одатда, мавжуд умумистеъмол сўз ёки атама маъносининг кенгайиши янгисининг пайдо бўлишига олиб келади. Маъно кенгайишининг сабаблари етарлича. Масалан, кўп атамаларнинг бир пайтнинг ўзида умумий лексикада ҳам мавжудлиги ва бирор фаннинг бўлимида бошқа ўзига хос маъноси борлиги бунга яққол далилдир. Бу ҳақда **Х.Ш.Нарходжаева** ўзбек тили ҳамроҳ моҳиятли терминларини тизимли ўрганиш муаммоларини ўрганиб, “...

тилнинг ижтимоийлиги ва унинг тараққиётидаги тежамкорлик тамойили ҳамроҳ моҳиятли терминларнинг мавжудлигини таъминлайди” – дейди ва соф ўзбек тилига хос бўлган ва факат терминологик маъногагина эга бўлган терминни мавжуд эмаслигини таъкидлайди. ЎТИЛдан олинган ҳамроҳ моҳиятли терминларни таҳлил қилиб, ҳар бирига изоҳ беради<sup>1</sup>.

Бугунгиунда “термин” ёки “атама” сўзлари орасида фарқ борлиги тўғрисида айрим тилшуносларнинг фикрлари тўқнаш келаётганлиги бу масалада яна кўп изланишлар қилиниши кераклигидан далолат беради. Тадқиқотлар билан ойдинлик киритилгунига қадар биз ЎТИЛда белгилаб қўйилган фактга асосланиб, мазкур сўзларни битта лексик маънога эга турли тиллардаги тушунча бўлиб, бир синонимик қаторда туради деб ҳисоблаймиз.

### АТАМА 1 айн термин

**2** Умуман, ном. *Лекин шаманни ҳар бир халқ ўз тилидаги ном, атама билан юритиб келган. “Фан ва турмуш”. Республикаизнинг ўзидағина 400 дан ортиқ турли туман қовун атамалари мавжуд экан. “Фан ва турмуш”.*<sup>2</sup>

“Термин” сўзининг ўзи лотинча terminus – “чегара” демакдир. Термин деганда фан, техника ёки санъат соҳасидаги муайян тушунчани англатувчи сўз ёки сўз бирикмаси тушунилади. Умумий лексикадаги кўпинча кўп маъноли ва ҳиссий бўёқли сўзлардан фарқли ўлароқ, терминлар экспрессиядан маҳрум, бир маъноли ва аник бир соҳада қўлланиши билан характерланади.

<sup>1</sup> Нарходжаева Х.Ш. Ўзбек тилида жараён англатувчи терминларнинг лингвистик тадқики: Филология фанлари бўйича фалсафа доктори (Phd)... дисс. – Т., 2017. – 154 б.

<sup>2</sup> Ўзбек тилининг изоҳли лугати. – Т., Ўзбекистон Миллий энциклопедияси. 2006. – Б.113.

Атама ҳам худди шу вазифани бажарар экан, нутқда иккисидан ҳам унумли фойдаланиш хато бўлмайди деб ҳисоблаймиз.

### Атамаларнинг таснифи ва талқини

Атамалар ҳам бошқа сўзлар каби грамматик қурилишда тил қонунларига бўйсунади. Улар умумий лексикадаги сўзларнинг терминологизациялашиш, бошқа тиллардан тўғридан-тўғри ўзлашиш йўли ёки ўзга тил терминларининг калькалашиши билан яратилади (она тилдаги қўшимчалар ёрдамида). Атаманинг семантик ясалиши эса сўзнинг шаклини ўзгартирмайди, аммо унинг маъноси ёки вазифасини таҳрир қиласди. Шу билан бир қаторда, ўхшаш воқеа-ходисалар ёки фактлар ўртасидаги маъно жиҳатдан уйғунликни намоён қиласди. Бу ассоциатив асос адабий метафора ва метонимиядаги ҳам бор. Масалан, «кушнинг қаноти» – «самолётнинг қаноти», «одамнинг қулоғи» – «козоннинг қулоғи».

Атама ва умумистеъмол сўзлар бир бирига ўтиш хусусиятига эга. Кенг қўлланадиган махсус атамалар аста-секин кундалик ҳаётда илдиз отиш ва кундалик тилнинг элементи бўлиб қолиш хусусиятига эга. Кенгайиш жараёнида улар атама сифатида қабул қилинишдан тўхтайди ва кенг кўламли мурожаатдан сўзлашувга зич кириб боради.

Демак, биринчи тасниф умумистеъмол сўзларнинг атамалашиши ва атамаларнинг умумлексик қатlam қаторидан ўрин эгаллаши билан боғлиқ. “Терминларнинг умумистеъмол лексикадан ўзлашганлари маъно-моҳиятининг тушунарлилиги, ўзлари ифодалайдиган ҳодисалар ҳақида нафақат соҳа кишилари, балки умуман муайян бир тил

соҳиблари учун ҳам маълум даражада тушунча ва ахборот беришда қулайлиги билан характерланади”<sup>1</sup>. Мавжуд атамалар маъносининг кенгайиши эса, ўз ўрнида, омонимларнинг пайдо бўлишига олиб келади. Қолаверса, таржимон янги тушунчани, нотаниш сўзни, ифода этиш учун мавжуд атамани қўллашга ҳақли эмас. Зоро, бу тартибсизликка, таржиманинг тушунарсизлигига олиб келади. Умумистеъмол қўлланишдаги маънолар фан-техника соҳаларининг оммавийлашувига боғлиқ. Демак, у маҳсус соҳаларни лисоний жамият оммаси билан бевосита боғлаб турувчи восита, бутунлай атамалик хусусиятини йўқотмайди. С.В.Гринев “меъморчиликда маҳсус сўзлашувнинг энг асосий хусусиятларидан бири, унинг умумнутқ тилига яқинлигидир, – дейди. – Бу, меъморчиликнинг инсон фаолиятининг кўхна турларидан бири эканлигидан далолат беради ва турар-жой одам учун таом ва кийим каби кундалик эҳтиёж. Шунинг учун, иншоотларнинг жиддий маҳсус тоифалар типологияси, биноларнинг меъморий унсурлари ва ҳоказоларга ҳамма учун тушунарли бўлган *бирқаватли, кўпқаватли, гишитли, эшик, ойна, девор* каби атамалар киради<sup>2</sup>.

Миллий тасвирий ва амалий санъат атамаларидан бу борада қўйидагиларни мисол қилиб олиш мумкин:

<sup>1</sup> Нарходжаева Х.Ш. Ўзбек тилида жараён англатувчи терминларнинг лингвистик тадқики: Филология фанлари бўйича фалсафа доктори (Phd)... дисс. – Т., 2017. – 154 б.

<sup>2</sup> Гринев С.В. Введение в терминоведение. – М., Московский лицей, 1993. – С.27.

Умумистеъмол сўзларнинг атамалариши	Атамаларнинг умумлексик қатлам қаторидан ўрин эгаллаши
<b>ABDASTA GUL</b> [جسته] (obdasta) va گل – naqsh] Obdastasimon naqsh.	<b>ADRAS</b> [ادرس] Tandasipakdan, arqog'i ipdan to‘qilgan, abr gulli gazlama.
<b>AJDAHO</b> ayn. ajdarho [اڻر] Shoxsimon gajaklar bilan hoshiyalangan romb shaklidagi naqsh yo‘nalishi, terma gilamlarda qo‘llaniladi. Shoh gajaklar ilon boshiga o‘xshaganligi uchun shunday nomlanadi.	<b>ADIP//MAG’IZ</b> [مغز - miya; o‘zak] To‘n, paranji, chopon va shu kabi kiyimlarning oldi va etagiga ichidan qo‘yilib tikilgan (5-6 sm) matodan kesib olingan tasma. Qora satin yoki shoyining chetidan qiya yoki uzunasiga qilib kesib olinib, ko‘rpa-ko‘rpacha va hokazolarning chetlariga bir-biriga ulab tikiladi.
<b>ALA QURT</b> ayn. ola qurt. Ko‘p rangli qurt ko‘rinishidagi naqsh turi.	<b>AMIRKON</b> [امير - amir so‘zidan] Oshlangan teriyuzasiga qora lok surtib tayyorlangan charm turi.

Навбатдаги тасниф атамаларнинг грамматик структураси билан боғлиқ бўлиб, у энг оммавийсидир. Жумладан, И.Б.Усатий ўзининг “Структурно-грамматические особенности составных терминов-названий частей речи” номли мақоласида уни куйидагича таснифлайди:

А: терминоэлемент-прилагательное (или причастие) + термин-существительное;

Б: термин-прилагательное + терминоэлемент-существительное;

В: терминоэлемент-прилагательное + терминоэлемент-существительное;

Г: термин-существительное + терминоэлемент-существительное;

Д: терминоэлемент-существительное + термин-существительное;

Е: терминоэлемент-существительное + терминоэлемент-существительное.<sup>1</sup>

Яъни, атамаларнинг от ясовчи ҳамда сифат ёки сифатдош ясовчи қўшимчалар ёрдамида ясалиши борасида турларга бўлган. Бизнингча, у қуидаги кўринишга эга бўлади:

<b>От + сифат ясовчи қўшимча</b>	<b>ABR//ABRLI</b> [ <i>f. ابر – bulutMatoga solingan naqsh (gul), mato tandasini bog’lab rang berish natijasida hosil bo‘ladi.</i>
<b>Сифат +от</b>	<b>AGRI NAQSH</b> <i>ayn. egri naqsh</i> [egri + <i>a.</i> نقش – naqsh] Burama shoxlar naqshi.
<b>От + от</b>	<b>AJDAHO GILAM</b> [ <i>f. (ayn. ajdarho) اذرخور</i> (afsonaviy katta ilon) + <i>گیلام</i> ] Ajdarho unsuri bor naqsh gilam.

<sup>1</sup> Усатый И.Б. Структурно-грамматические особенности составных терминов-названий частей речи.//Электронный научный журнал «Вестник Омского государственного педагогического университета» Выпуск 2007. [www.omsk.edu](http://www.omsk.edu)

<b>Сифат + от ясовчи қўшимча</b>	<b>BADIYLIK</b> Asarning badiyligi uning hayotiy haqiqati va odatiy xussusiyati bilan, rassom talqin etayotgan g’oyaviyligi, ijtimoiy timsolning ahamiyatliligi, uning xalqchilligi bilan, shaklning umumiyligiga va mazmun-mohiyatiga erishgan muallifning mahorati bilan; asarning ijtimoiy-tarbiyaviy ta’siri ostidagi kuchi va samaradorligi bilan belgilanadi
<b>От + кичрайтириш шаклини ясовчи қўшимча</b>	<b>BARGAK</b> [بَرْگَاه – bargcha] 1 Taqinchoq turi. Ayollar peshonasiga taqiladi. Tilla va kumushdan yasaladi; 2 Anjomsozlikda o‘mildiriqqa bezak sifatida yopishtiriladigan metall turi.
<b>Сон +от</b>	<b>BESH XOLCHA</b> [بَسْخَلْچَا] Tasma naqsh unsuri, naqshning kompozitsiya va unsunlari.
<b>От + от ясовчи қўшимча</b>	<b>GILKOR</b> [گلکار – suvoqchi] Ganch yoki alebastrdan naqsh yasovchi ganchkor usta.

Умумий таснифни атамаларнинг морфологик-синтактик тузилишидан келиб чиққан ҳолда амалга ошириш мақсадга мувофиқ. Хусусан, одатда икки асосий тип атамалар ажратилади: сўз атама ва бирикма атама.

### Сўз-атама

Тасниф сўзнинг морфем тузилишига мувофиқ амалган оширилади.

<b>Түб сўз</b>	<b>HAYKAL</b> [a. هيكل – ulkan; katta bino] Kishi yoki hayvon gavdasining turli qattiq materiallardan yo'nib, o'yib yasalgan tasviri.
<b>Ясама сўз</b>	<b>HUNARMANDLIK</b> Mehnat qurollari yordamida turli xil mahsulotlar ishlab chiqarish kasbi. Masalan: duradgorlik, temirchilik, to'ghuvchilik, o'ymakorlik, zargarlik va boshqalar.
<b>Кўшма сўз</b>	<b>RANGTASVIR</b> Biror qattiq jism yuzasiga bo'yoq yordamida surtish orqali yaratiladigan tasviriy san'at turi. Jivopis bilan yaratilgan badiiy asarlarda rang va rasm, yorug'-soya, bo'yoqlarning ifodaviyligidan, asar ishlanayotgan tekislikda dunyoning rang-barangligini, buyumlarning xajmliligini, ularning sifatli moddiy o'ziga xosligini, muhitning chuqr mohiyati va yengil havosini namoyon etishga xizmat qiluvchi fakturasi va kompozitsiyasidan foydalaniadi.

Атамаларнинг морфологик тузилиши турлича бўлиши мукин: матнда мустақил ёки бошқа мустақил сўзлар билан ҳам қўлланиши мумкин.

Мустақил	Бирикма
<b>SAN'AT</b> [a. صنعت – ish, mehnat; mahorat; kasb-hunar] Borliqni obrazli idrok etish; ichki va tashqi olamning badiiy obrazdag'i ifoda jarayoni yoki natijasi; shunday tartibda yo'naltirilgan ijodki, u nafaqat muallifning o'zini, balki boshqalarni ham qiziqtiradi.	<b>SAN'AT SINTEZI</b> Bu bir nechta turdag'i san'atlarning qo'shilib badiiy butun bo'lishi, o'ziga xos badiiy vogelikning bunyodga kelishi. San'at sintezini turli badiiy sohalar faoliyatida namoyon bo'lishi mumkin.
<b>RANG</b> [f. رنگ – rang] Yorug'lik nurlarining atrofdagi jismlarga, predmetlarga va hokazolarga urilib qaytishida hosil bo'lgan ma'lum bir natija. Masalan, predmetga yashil nurlar tushsa — yashil, qizil nurlar tushsa — qizil bo'lib ko'rindi	<b>RANG TO'YINGANLIGI</b> Yorqinligi jihatdan teng bo'lgan axromatik (bo'rzrang) rangdan xromatik rangning ko'zga korinadigan farqli darajasi
	<b>RANG VAZMINLIGI</b> Ranglarning kishida og'ir va yengil taassurotlar uygotuvchi xususiyati, to'q va och ranglar.
	<b>RANG YORQINLIGI</b> Rangning tushayotgan yorug'lik nurlaridan ko'p yoki kam miqdorda jilolanish xossasidir. Yorug'lik nurlari ko'payib ketsa, rang och tusda, kamayib ketganda esa to'q tusda jonlanadi.
	<b>RANG TUSI</b> 1 Muayyan rangning boshqa rangdan farqlovchi rang sifati (masalan, qizilning ko'kdani); 2 Asar tuzilmasining umumiyl rangli yoki nur-soyali tusi.

## Бирикма-атама

Бирикма-атамалар уларнинг тузилиш типига қараб таснифланади:

Одатда бири бош ва иккинчиси тобе, (қўшимчали) аниқловчи бўлган икки мустақил сўздан ташкил топган оддий бирикмалар;

Бош сўзни турли маъно аспектлари (бажарилган ҳаракатнинг замони, муносабат)ни аниқловчи тобе сўзлардан ташкил топган мураккаб бирикмалар.

Оддий бирикма-атамалар	Мураккаб бирикма-атамалар
<b>QO'SHIMCHA RANGLAR</b> Oq rang bilan yonma-yon turganda ko'zda ilg'anadigan yangi rang hosil qiladigan ikkita rangning qo'shilmasi.	<b>RANGLARNING TENGLASHUV QONUNI</b> Tenglik, ranglarning o'zaro muvofiqlashuv qonuni, to'ldiruvchi va qarama-qarshi ranglar misolida ko'rish mumkin.
<b>QASHQARI GILAM</b> [esk. o'zb .qashqar – uyg'ur va f. گەلەم – gilam] Qashqarga va qashqarliklarga xos gilam turi.	<b>QADIMGI ZAMON USTALARI</b> Odatda XV-XVIII asrlarda ijod qilgan Ovro'poning uyg'onish davridagi buyuk san'atkorlari: Donatello, Leonardo da Vinci, Rafael, Tisian, Mikelanjelo, Dyurer, Velaskes, Rubens, Rembrandtlar shu nom bilan atalgan.

Фанда атамаларнинг грамматик структурасига бағишиланган кўплаб ишлар амалга оширилган<sup>1</sup>. Уларда атамаларнинг ясалиш хусусиятлари,

<sup>1</sup> Алексеева Л.М. Деривационный аспект исследования термина и процессов терминообразования (на материале научно-технической терминологии русского и английского языков): Автореф. ... дис. канд. филол. наук. – Пермь, 1990. – 19 с.; Баско Н.В., Шетэля В.М. Системные связи и словообразовательная структура терминов бизнеса // Научно-техническая терминология. – М., 2001. – №2. – С. 14-16.; Борисова Л.И. Лексико-стилистические трансформации

туркмларига муносабати, морфем таркиби, сўз грамматик шаклланишдаги ўзига хосликлари ўрганилган. Бироқ кўпчилик атамаларнинг от сўз туркумига мансублигини тъкидлашади. Юқоридаги мисоллар ҳам буни исботлайди. “Бундан уларнинг терминологик тушунчалар ҳар доим предметларни ва “претметлашган” ҳодисаларни ифодалашини эътироф этишлари маълум бўлади”<sup>1</sup>.

Миллий тасвирий ва амалий санъат атамаларини яна семантик хусусиятлари бўйича таснифлаш мумкин. Жумладан:

<b>Жараён англатувчи атамалар</b>	<b>SIMKORI</b> [f. سیم – kumush va – کار – ish] Kandakorlikda buyum ustiga turli metalldan (mis, kumush, tilla) qilingan simlarni qadab naqsh ishlash uslubi.
-----------------------------------	---

в англорусских научно-технических переводах (Метод. пособие). – М., ВЦП, 1981. – 168 с.; Васильева Н. В. Термин и имя собственное в текстоэнциклопедической статьи // Научно-техническая терминология. – М., 2001. – №2. – С. 26-27.; Гринев С.В. Введение в терминоведение. – М.: Московский лицей, 1993. – 309 с.; Гринев С.В. Введение в терминографию. – М.: Изд-во МГУ, 1995. – 158 с.; Даниленко В.П. Об одной модели терминов-словосочетаний // Научно-техническая терминология. – М., 1973. – № 10. – С. 12-13.; Даниленко В.П. Русская терминология. – М.: Наука, 1977. – 245 с.; Захарчук Е.А. Родо-видовое соотношение понятий как проявление систематизирующих свойств терминосочетаний // Научно-техническая терминология. – М., 2001. – № 2. – С. 45-47.; Кузьмина Н.Б. Морфолого-семантические очерки терминологии языкоznания: Автореф... дис. канд. филол. наук. – Минск, 1971. – 32 с.; Пищулина Ю.Ф. Выражение пространственно-временных свойств категории действия в медицинской терминологии // Научно-техническая терминология. – М., 2001. – № 2. – С. 74-76.

<sup>1</sup> Нарходжаева Х.Ш. Ўзбек тилида жараён англатувчи терминларнинг лингвистик тадқики: Филология фанлари бўйича фалсафа доктори (Phd)... дисс. – Т., 2017. – 154 б.

<b>Шахс англатувчи атамалар</b>	<b>SOZGAR</b> [f. ساز – tor; musiqa asbobi] Milliy musiqa asbob (mas., dutor, tanbur, g’ijjak) larni yasovchi, tuzatuvchi usta.
<b>Предмет англатувчи атамалар</b>	<b>QALAM</b> [a. قلم – qamish pero; uslub; xat] <b>1</b> O’rtasida ingichka grafit joylashgan yozuv, chizuv asbobi; <b>2</b> Kandakorlikda xilma xil naqsh zarb qiladigan, keskichlari po’latdan yasalgan kandakorlik asbobi.

Шунингдек, оминимик, синонимик қаторлар ҳосил қилувчи атамалар ҳам мавжуд бўлиб, Д.С.Лотте<sup>1</sup>, Р.Шукуров<sup>2</sup>, Қ.Сапаев<sup>3</sup> каби олимлар бу масалага маълум даражада ойдинлик киритишган. Синонимик ёки омонимик қатор кўпроқ бошқа тиллардан кириб келган сўзлар билан бойиши хеч кимга сир эмас. Шундай экан, миллий тасвирий ва амалий санъат атамлари ҳам бундан мустасно эмас.

<sup>1</sup> Лотте Д.С. Основы построения научно-технической терминологии. – М., 1961. – С. 21-22.

<sup>2</sup> Шукуров Р. Терминлар синонимияси хусусида. // Ўзбек тили терминологияси ва унинг тараққиёт перспективалари: 1 республика терминологияси материаллари. – Т., Фан, 1986. – Б. 32-34.

<sup>3</sup> Сапаев Қ. Курилиш терминологиясидаги синонимия масаласига доир. // Ўзбек тили терминологияси ва унинг тараққиёт перспективалари: 1 республика терминология конференцияси материаллари. – Т., Фан, 1986. – Б. 37-39

Синонимия	Омонимия
<b>JIVOPIS//RANGTASVIR</b> Biror qattiq jism yuzasiga bo‘yoq yordamida surtish orqali yaratiladigan tasviriy san’at turi. Jivopis bilan yaratilgan badiiy asarlarda rang va rasm, yorug’-soya, bo‘yoqlarning ifodaviyligidan, asar ishlanayotgan tekislikda dunyoning rang-barangligini, buyumlarning xajmliligini, ularning sifatli moddiy o‘ziga xosligini, muhitning chuqur mohiyati va yengil havosini namoyon etishga xizmat qiluvchi fakturasi va kompozitsiyasidan foydalaniladi.	<b>AXTA I</b> Qog’ozga chizilgan naqshning chiziq yo‘llari igna yordamida teshib, kashtachilik, o‘ymakorlik, nahqoshlik, ganchkorlikda va shu kabi xalq amaliy san’ati turlarida naqshni yuzaga ko‘chirishda ishlataladi.
	<b>AXTA II</b> Juda yupqa, pishiq, ancha dag’al, bir tomoni yaltiroq xitoy qog’ozи.

Шунингдек, моносемантик ва полисемантик атамалар ҳам бўлади ва Х.Ш.Нарходжаева жараён терминларининг семантик кўламида уни чукур таҳлил қиласди<sup>1</sup>.

Моносемантик	Полисемантик
<b>RASSOM</b> Rangtasvir, grafikada ijod qiluvchi mutaxassis.	<b>SUV 1</b> Jiyakda qo‘llaniladigan naqsh bo‘lagi; <b>2</b> Ayrim kashtalar naqshida ishlataladigan tekis chiziqlar.

<sup>1</sup> Нарходжаева Х.Ш. Ўзбек тилида жараён англатувчи терминларнинг лингвистик тадқики: Филология фанлари бўйича фалсафа доктори (Phd)... дисс. – Т., 2017. – 154 б.

**TAXMON** [*o'zb.*] Uy yoki ayvon devorida sandiq o'rnatib, ustiga o'tin-ko'tpa yig'ib qo'yiladigan tokchasimon maxsus joy.

**TAHRIR** [*a. (tahrir)*  
تحریر – yozish; tuzatish] 1 Naqqoshlikda gul chetlarini siyoh qalam bilan belgilab chiqish; 2 Zardo'zlikda kashta gulini hoshiyalab bezatishda ishlataladigan choq.

Берилган таснифлар содда ва қулай, уни кенгайтириш, тадқиқ қилиш, ўрганиш имкони мавжуд. Айримлари мавжуд тавсиялар экан, демак, изланиш авжида. Атамалар доимий равишда туғилиш хусусиятига эгалиги, бу масалада тадқиқотлар давом этишидан далолат беради. Уларни таснифлаб, бир тизимга солиш ҳеч қандай муаммо туғдирмайди.

### Тасвирий ва амалий санъат атамаларининг миллийлик хусусиятлари

Миллийлик – муайян халққа хос бўлган, уни бошқалардан фарқини кўрсатувчи хусусиятлар мажмуи. Миллийликда миллатнинг тарихи, қадриятлари, анъаналари, маданияти, яшаш тарзида яққол намоён бўлади. Ҳеч бир халқ ўзлигини англамасдан, миллий маданияти, миллий қадриятларини асрраб-авайлаб, сакламасдан туриб, бошқа халқларнинг қадриятларига хурмат билан қарай олмайди. Мустақил Ўзбекистоннинг куч-қудрати халқимизнинг умуминсоний қадриятларига содиклигидадир.

Жамият тараккиётининг муайян босқичларида ижтимоий, ҳодисаларга муносабат хилма-хил тарзда намоён бўлади. Хусусан, мустақиллигимизнинг биринчи кунидан бошлаб ҳаётимизнинг барча жабҳаларида “Қадриятлар”, “Миллий тикланиш”, “Миллий онг”, “Миллий ғурур” каби атамалар тез-

тез ишлатиладиган бўлиб қолди. Ўзбек тили луғатидаги лексема семемаларининг маъновий хосланиши миллий ғоя ва миллий маънавият соҳасига тегишли тушунчаларни билдирувчи бирликлар билан ўзига хос тарзда бойиди. Бундай ҳолат Ўзбекистонда мустақиллик мафкурасининг шаклланиши ва тараққиёти давомида янгидан-янги хосланган маъноли бирликлар вужудга келишига олиб келди. Шу билан бир қаторда, уларни тадқиқ қилиш ҳам ҳамоҳанг жараён тус олди<sup>1</sup>. Жумладан, Г.Н.Тожиева ўзининг “Ўзбек тили маънавий-маърифий лексикасининг мустақиллик йилларида тараққиёти” номли ишида “миллий ғоя” атов бирликлари тизимини тадқиқ этар экан, миллий ғоя тушунчаларини ифодаловчи атов бирликларининг ўзбек тили лисоний тизимидағи ўрни ва системавий хусусиятларини ёритиб беришга ҳаракат қиласди<sup>2</sup>.

<sup>1</sup> Йўлдошев К. Миллий ғоя ва адабий таълим // Ўзбекистон овози. 2000 йил 21 декабрь.; Кўчимов Ш. Ўзбек миллий хукукий атамаларида шакл ва мазмун бирлиги муаммолари // Ўзбек тили ва адабиёти. – Т., 2001. – № 6. – 130 б.; Маҳмудов Н. Миллий мафкура ва она тили // Халқ сўзи. 2000 йил 13 июнь.; Миллий ғоя: асосий тушунча ва тамоиллар (маъруза матнлари учун материаллар). – Т., Янги аср авлоди, 2001. – 184 б.; Нурмонов А., Мадвалиев А., Маҳкамов Н. Мустақиллик даврида ўзбек тилшунослиги тараққиёти // Ўзбек тили ва адабиёти. – Т., 2011. – № 3. – Б. 3-11.; Тошбоев О.Ш. Миллий истиқлол мафкурасининг шаклланишида матбуотнинг ўрни: Филол. фан. номз... дисс. автореф. – Тошкент, 1999. – 152 б.; Тўрахожаева А.Х. Мустақиллик шароитида ўзбек тили ижтимоий-сиёсий лексикасининг тараққиёти: Филол. фан. номз. дисс. ... автореф. – Т., 2012. – 26 б.; Миллий ғоя: тарғибот технологиялари ва атамалари лугати. – Т., Академия, 2007. – 352 б.; Мустақиллик: Изоҳли илмий-оммабоп лугат. – Т., Шарқ, 2000. – 318 б.

<sup>2</sup> Тожиева Г.Н. Ўзбек тили маънавий-маърифий лексикасининг мустақиллик йилларида тараққиёти: Филология фанлари бўйича фалсафа доктори (Phd)... дисс. – Т., 2017. – 135 б.

Кўп йиллар давомида санъатшунослар “тасвирий санъат” тушунчасига “миллий” тўн кийдирмаслик керак деган фикрда яшадилар. Хусусан, А.Умаров<sup>1</sup>нинг китобида у русча *изобразительное искусство* атамасининг маъносини берувчи ағдарма сўз, муқобил эмас, дейилганига гувоҳ бўламиз ва “...унинг ўзи бўлмаган” деган фикрини исломий таъкиқлар билан боғлаймиз. Шундай бўлсада, дунё тарихидаги ибтидиий тасвирий санъат, хусусан, горларнинг деворларидағи турли тасвирлар Ўрта Осиёда ҳам бўлганлиги маълум. Милоддан аввалги III-IV асрларга оид санъат асарлари, асосан, бино ичидаги деворий расмлар билан боғлиқ бўлиб, ҳайкалчалар, нақшлар асосий безак манбаалар сифатида хизмат қилган. Аммо Қўйқирилганқалъя (Хозарм) деворларидағи арфа чалаётган аёл ва қўш барабан чалаётган эркак киши, шунингдек, қисиқ қўзли, қулогига сирфа таққан, гулли кўйлак кийган аёл расмлар миллийликдан йироқлиги билан мушоҳадага чорлайди. Эҳтимол, мазкур ижод намунасини бошқа элат вакили ишлаган, ганчдан тайёрланган рангли рельефлар, ҳайкаллар, ғалаба залидаги горельфда шоҳ ва унинг атрофида аъёнлар, бошқа хонадаги рельефларда эса кийик, анор, шунингдек, узум дараҳтларида миллат вакилининг қўли борга ўхшайди. Сабаби, амалий санъат, маълум бўлганидек, соғ миллий санъат турига киради. Бу каби топилмалар (Варахша – Бухоро, Айритом – Термиз, Далварзин тепа – Андижон, Афросиёб – Самарқанд) хусусида ҳам шундай фикрларни тахмин қилиш мумкин.

Ўрта аср Шарқ мамлакатларида тасвирий санъат соҳасида китоб графикаси билан боғлиқ миниатюра кенг ривож топган. Натижада, Араб (Бағдод), Эрон

<sup>1</sup> Умаров А., Аҳмедов М. Тасвирий санъат атамаларининг изоҳли лугати. – Т., Ўқитувчи. 1997. – 36 б.

(Табриз), Исфахон, Шероз, Турк, Моворауннахр, Хиндистон, Озарбайжон, Ҳирот, Бухоро, Самарқанд мўъжаз рангтасвир мактаблари пайдо бўлиб, уларнинг тепасида Мирақ наққош, Камолиддин Беҳзод, Қосим Али, Устод Гунг, Абдуллоҳ Ибн Фазил, Оға Мироқ, Кесу, Устод Шамсиддин, Абдул Ҷоқи Табризий каби бир қатор рассомлар турар эдилар. Улар орасидан Ўрта Осиё тасвирий санъат мактабига асос солганлар етишиб чиқади. Ҳусусан, Моварауннахр мўъжаз рангтасвиригининг дастлабки намуналари Рашидиддиннинг “Тарих тўплами” номли асарида акс этган<sup>1</sup>, унда бир қатор мўғил хонларининг образлари тасвириланган. XV асрдаги Шарқ мутафаккирларидан Фирдавсий, Навоий, Саъдий, Ҳофиз, Жомий кабиларнинг китоблари ҳам мўъжаз рангтасвир асарлари билан безатилган.

Умуман олганда, ҳар бир даврда жангу жадалларни, шоҳлар ҳаётини, учрашувлар, тарихий шахслар сиймосини тарих зарваракларида муҳрлаш учун рассомлар ижтимоий ҳаётда муҳим ўрин эгаллаган десак, муболага бўлмайди. Демак, тушунчанинг ўзини “миллий” эмас дейилишига сабаб йўқ. У барча ҳалқ, элат ва миллат билан баробар ривож топган экан, “ўзбек” тушунчаси билан тенгдошифода деган хуносага келамиз. Зоро, ўзбек ҳалқининг ҳунармандчиликка бўлган мойиллиги тасвирий санъат билан ҳамоҳанг.

Миллий тасвирий санъататамалари миллий амалий санъат атамларидан кам эканлиги унинг бизнинг санъатимиз эмаслигига ишора эмас. Бунинг сабабини, тасвирий санъат соҳасига тегишли тушунчаларининг номини ўзга тилдаги муқобили билан ифода этилишидан излаш мақсадга мувофиқ. Чунки бу кўхна санъат минтақада ҳам ривож топган экан, тушунчалар

<sup>1</sup> Тошкентдаги Шарқшунослик институтининг кутубхонасида сакланмоқда

ифодаси ҳам нутқда мавжуд бўлганлиги аниқ. Ижтимоий тўқнашувлар, сиёсий бурилишлар, иқтисодий ва маънавий янгиликлар мавжуд атамаларнинг сақланиб қолишига тўсқинлик қилган деб тахмин қилиш мумкин. Қирмизи, заргалдоқ, пистоқи, тўтиё, шингоб, тўтигий, нофармон, гулгун, норанжсваши, сомоний, ба-рикарам, сабза, пушти, садаф, малла, лоларўй, гулгун, зафарон, ложувард, фируза, новшадил, зумрад, сийбоб сингари рангларни англатувчи атамаларнинг ўрнига, бошқа тилда мавжуд шу маънони берувчи лексикадан ёки унинг таржимасидан фойдаланилади ва бу – мазкур атмаларни нутқдан сикиб чиқараётгандек тасаввур уйғотади. Натижада, тасвирий санъат соҳасидаги миллийлик оҳори тўкилаётгандек бўлади.

Бугунги кунга келиб, тасвирий ва амалий санъат соҳасида миллийлик атамаларда эмас, ғояларда, бурилишларда, инновацион ижодларда намоён бўлар экан, “миллий” ёки “миллий эмас” деган фарқларга эҳтиёж бўлмай қолди. Демак, шакл эмас, моҳиятга эътибор кучаяр экан, ғояни ифода этиш учун турли синонимларга мурожаат этиш, ижод намунасининг глобализации учун интернационал атамалардан фойдаланиш ва уни миллийликни ёйиш учун хизмат қилдириш, барча миллат вакилларига тушунарли бўлиши учун қўллашга эҳтиёж бор. Бугунги кунда, миллий истиқбол ғоялари билан суғорилган портрет<sup>1</sup>, манзара ва натюроморт<sup>2</sup>, тарихий, турмуш<sup>3</sup> ва

<sup>1</sup> Амир Темур, Алишер Навоий, Жамолиддин Мангуберди, Камолиддин Бехзод, Нодирабегим, Бибихоним, Спитамен.

<sup>2</sup> Л.Салимжонова, А.Мўминов, С.Абдуллаев, И.Хайдаров, О.Қозоков, Ф.Абдураҳмонов, А.Мирсаатов санъат асарлари.

<sup>3</sup> Б.Жалоловнинг “Олтин аср”, “Коинот устунлари”, “Абадият гумбази остида”, С.Алибековнинг “Фаройиб шарбат хиди”, Ж.Умарбековнинг “Зилзила”, “Ҳаворанг мусикачилар”,

бошқа жанрларда миллийлик ва замонавийликнинг уйғунлигини яққол күришимиз мумкин.

Кўхна миллий амалий санъатимиз ҳам мустақиллик йилларида анчагина тарақкий топди. Тарихий сиймоларнинг ҳайкаллари бунга яққол далиллар. Шу билан бир қаторда, бу соҳадаги инновацион гоялар мамлакатнинг иқтисодий ва сайёхлик саноати ривожига хисса қўшаётганлиги қувонарли ҳол.

Амалий санъатдаги атамаларнинг кўпчилиги истеъмолда эканлиги ҳамда хусусийлиги билан қимматли. Бу миллий амалий санъат атамларининг бошқа тилларга таржима қилинмаслиги, муқобил йўқлиги ва қандай бўлса, шундайлигича таржимаизоҳли луғатларда акс этишидан далолат беради. Ўзбек ҳалқининг қон-қонига сингиб кетган рўзгор тебратиш, тириклий манбаи ҳисобланган ҳунармандчилик кўпчилик бошқа ҳалқ ва миллат учун санъат даражасидаги машғулот сифатида қабул қилиниб, бугунги кунда миллатнинг ҳам ўз санъат турига айланиб бормоқда. Амалий санъат атамасининг ўзи ҳақидаги А.Умаровнинг “...руска “прикладное искусство” атамасининг ағдармаси. Ваҳолангки, унинг ўрнига “ҳунармандлик” атамасининг ишлатиш тўғри бўлади”<sup>1</sup> деган фикрига қўшилмаган ҳолда, шуни айтиш мумкинки, ҳунармандлик – санъат эмас, қўл билан яратилган, бадиий завқ улашувчи меҳнат маҳсулини санъат – амалий санъат, десак, тўғри бўлади.

Хулоса қилиб, бу икки ихтисосликнинг тўпланган барча (жумладан, ўз ва ўзлашган) атамалар лугатини номлашда “миллий” сўзини қўшмаслик керак, деган фикрга қарши қўйидагича жавоб бериш мумкин. Мил-

---

В.Охуновнинг “Будданинг тонги сайри” кабилар.

<sup>1</sup> Умаров А., Ахмедов М. Тасвирий санъат атамаларининг изоҳли луғати. – Т., Ўқитувчи. 1997. – 36 б.

лийликни билиш ва англаш учун миллатлар ўртасидаги фарқлар ва тафовутларни ҳам ўрганмоқ зарур. Аммо бу миллатлар орасидаги фарқларни мутлақлаштириш эмас, балки уларни яқинлаштирувчи томонларга ҳам эътибор беришни талаб этади. Бошқа миллатларнинг ютуқ ва ижобий тажрибаларини ўрганиш, уларни ўзлаштириш миллийликни бойитади ва ривожлантиради.

### **Фасл бўйича хуроса**

Янги терминларнинг пайдо бўлишига сабабчи бўлган таржима қилиш усули таржимонларнинг тажрибасида кенг ёйилган ҳодиса. Ўзлаштириш ҳисобидан ўзлашган атамалар миқдор жиҳатдан салмоқли ўринни эгаллади ва мазкур жараён интернет ёрдамида амалга ошиб, ўзлашган лексиканинг бойишида у муҳим роль ўйнайди.

Янги терминлар тилнинг ички ресурслари асосида ҳам пайдо бўлади. Хусусан, мавжуд умумистеъмол сўз ёки атама маъносининг кенгайиши, янгисининг пайдо бўлиши шулар жумласидан. Кўп атамаларнинг бир пайтнинг ўзида умумий лексикада ҳам мавжудлиги ва бирор фаннинг бўлимида бошқа ўзига хос маъноси борлиги бунга далил.

Атамаларнинг тил қонуниятларига бўйсунган ҳолда, умумий лексикадаги сўзларнинг атамалашуви, бошқа тиллардан ўзлашиш йўли ёки терминларининг она тилдаги қўшимчалар ёрдамида калькалашиши билан яратилади. Атаманинг семантик ясалиши эса сўзнинг маъноси ёки вазифасини таҳrir қиласди. Шу билан бир қаторда, ўхшаш воқеа-ҳодисалар ёки фактлар ўртасидаги маъно жиҳатдан уйғунликни намоён қиласди.

Шунингдек, бобда қайд этилганидек, атамалар умумистеъмол сўзларнинг атамалашиши ва атамаларнинг умумлексик қатlam қаторидан ўрин эгаллаши; от ясовчи ҳамда сифат ёки сифатдош ясовчи қўшимчалар ёрдамида ясалиши; морфологик-синтактик тузилиши; семантик хусусиятлари бўйича; оминимик, синонимик қаторлар ҳосил қилувчи; моносемантик ва полисемантик хусусиятлари бўйича таснифий белгиларга эгалиги хусусида хулоса чиқариш мумкин.

Атамаларнинг миллийлик хусусиятига эгалиги борасида бир қанча ишлар амалга оширилган бўлиб, мустақиллигимизнинг биринчи кунидан бошлаб ҳаётимизнинг барча жабҳаларида миллий ғоя ва миллий маънавият соҳасига тегишли тушунчаларни билдирувчи бирликлар ўзбек тили лексикасида кенг қулоч ёзди. Миллий тасвирий санъат атамалари ҳам шулар жумласидан. Тадқикод натижасида Миллий тасвирий санъат атамлари нисбатан кам эканлиги аён бўлгач, тасвирий санъат соҳасига тегишли тушунчаларининг номини ўзга тилдаги муқобили комуникацияга киришиши кашф этилди. Ваҳолангки, бу кўхна санъат минтақамизда чукур тарихга эга бўлиб, буни адабиётлар билан далиллаш имконияти мувжуд. Табиийки, тасвирий санъат соҳасига тегишли тушунчалар ҳам нутқда мавжуд бўлган. Бироқ, истеъмолда ўзлашган атамалар фаоллик қилган.

Хозирда, миллийлик атамаларда эмас, ғояларда, бурилишларда, инновацион ижодларда намоён бўлмоқда. Миллийлик моҳиятан тасаввурларда яшар экан, ғояни ифода этиш учун турли синонимларга мурожаат этиш, ижод намунасининг глобализацииси учун интернационал атамалардан фойдаланиш ва уни миллийликни ёйиш учун хизмат қилдириш,

барча миллат вакилларига тушунарли бўлиши учун ўзлашган атамалардан фойдаланиш миллийликнинг аҳамиятнини пасайтирмайди.

Амалий санъатдаги атамаларнинг кўпчилиги истемолда эканлиги ҳамда хусусийлиги билан қимматлидир. Бу миллий амалий санъат атамаларининг бошқа тилларга таржима қилинмаслиги, муқобил йўқлиги ва қандай бўлса, шундайлигича таржимаизоҳли луғатларда акс этилишига сабаб бўлади.

Миллийлик миллатлар ўртасидаги фарқлар ва тафовутларни билиш ва англаш билан юзага чиқар экан, уларнинг орасидаги фарқларни мутлаклаштириш эмас, балки бирлаштирувчи томонларга ҳам эътибор бериш муҳим аҳамиятга эга. Зоро, ўзга миллатларнинг тажрибаларини ўзлаштириш орқали ўзлигини бойитиш ва ривожлантириш – миллатни юксак самараларга етаклайди.

## Иккинчи фасл

# АТАМАЛАРНИНГ ЛУҒАТЛАРДАГИ ТАЛҚИНИ

Республикамизда таълимнинг умумий мақсади ижодий ва мустақил фикрловчи ҳамда юксак маънавиятли шахсни тарбиялаш экан, ҳар бир фан ўз олдига юксак вазифаларни қўяди. И.А.Каримов “Баркамол авлод – Ўзбекистон тараққиётининг пойдевори” номли маъruzасида бу масалага алоҳида эътибор қаратган: “Таълим-тарбия ислоҳоти ҳақида гапирав эканмиз, унинг мазмунини лўнда қилиб ифода этиш мумкин: бизга битирувчилар эмас, мактаб таълим-тарбиясини кўрган шахслар керак... Албатта, билим керак, аммо билим ўз йўлига. Мустақил фикрлаш – катта бойлик”<sup>1</sup>. Бунда таълим олувчининг сўз бойлигини ошириш, сўзларнинг маъно нозикликлари, фарқ ва ўхшашликларини ҳис этиш ва англаб етишга кўмак бериш, бехато талаффуз қилиш ва ёзиш, сўзларни боғлаб гап, гаплардан эса матн туза олиш, бирикмалардаги маъновий ва грамматик, матндаги мантиқий хатоларни топиш ва тузатиш, ўзганинг фикрини тўғри англаш, бир фикрни турли шаклда ифодалаш, узилган фикрнинг давомини тиклаш ва тил имкониятларидан унга мос равишда фойдаланиш кўникмаларини шакллантириш ва малакасини ўстиришда ўзбек тилининг ўрни, жумладан луғатлар билан ишлашнинг аҳамияти беқиёс.

<sup>1</sup> Каримов И.А. Баркамол авлод – Ўзбекистон тараққиётининг пойдевори. – Т., Шарқ, 1997. –Б. 32.

**Терминологик луғатлар** маълум бир соҳага тегишли сўзни изоҳлайди. Терминологик луғат изоҳли ёки таржима кўринишига эга бўлади. Демак, уни бир тилли ва кўп тилли луғатга бўлиш мумкин<sup>1</sup>.

Терминлар қўлланилиш доираси чегараланган лексика таркибида бўлиб, бу тоифага яна диалектал лексика, ноадабий (арго ва жаргон) лексикалар ҳам мансуб.

**Касб-хунар терминлари** – турли касб-хунар эгалари нутқида қўлланувчи лексемалар. **Илмий терминлар** кўп ҳолда таржимасиз бўлганлиги туфайли дунё фанини бир бутунлик сифатида ушлаб туради.

Турли соҳа термини ўхшаш бўлиши мумкин. Масалан, [морфология] атамаси тилшуносликда ҳам, зоологияда ҳам ишлатилади. Уларни омоним лексемалар сифатида қараш мақсадгага мувофиқ.

Термин маълум бир тилга хос ёки байналмилал бўлиши мумкин. Байналмилал атамани таржима қилишга, уларга муқобил вариант қидиришга уриниш маъқул эмас<sup>2</sup>. Биз бу фикрларга суюниб, ишни, аввало, луғатлар, тадқиқот обьекти бўлган мазкур мавзудаги ишларни ўрганишдан бошлаймиз.

### Атамалар луғатлари хақида

Луғатшунослик – луғат тузишнинг назарий ва амалий масалалари билан шуғулланувчи тилшунослик соҳаси. Ўзбек луғатшунослиги катта ютукларни қўлга киритди. Кўп томли “Ўзбекистон энциклопедияси”, икки ва беш томли “Ўзбек тилининг изоҳли луғати”,

<sup>1</sup> Сайфуллаева Р.Р. ва б. Ҳозирги ўзбек адабий тили. – Т.: “Фан ва технология” нашриёти. 2010. –Б. 121.

<sup>2</sup> Сайфуллаева Р.Р. ва б. Ҳозирги ўзбек адабий тили. – Т., “Фан ва технология” нашриёти. 2010. –Б. 112.

ўзбек тили фразеологияси, терминологияси, касб-хунар лексикаси, Навоий асарлари тилининг луғати ва бошқа соҳалар бўйича ҳам қатор луғатлар юзага келди. “Ўзбек тилининг морфем луғати” янги типдаги луғат сифатида яратилди. Ўзбек луғатчилигининг ривожланишида, айниқса, А.К.Боровков, К.К.Юдахин, В.В.Решетов, О.Усмонов, Р.Дониёров, З.Маъруфов, Ш.Рахматуллаев, С.Акобиров, Г.Михайлов каби олимларнинг хизмати катта. Бугунги кунда мактаб ўқувчилари учун “Она тили” дарслигига ёрдамчи манба сифатида яратилиб, “Янги аср авлоди” нашриётида чоп этилган маънодош сўзлар<sup>1</sup>, зид маъноли сўзлар, сўзларнинг даражаланиши<sup>2</sup>, сўз таркиби<sup>3</sup>, сўз ясалиши, ўзлашма сўзлар<sup>4</sup>, сўзлар бирикувчанлиги ўқув луғати, эскирган сўзлар<sup>5</sup>, иборалар ўқув луғати<sup>6</sup>, ўзбек тилининг этимологик, топонимик, талаффуздош сўзлар ўқув изоҳли луғат<sup>7</sup>лари дунё юзини кўрди. Бу еса она тилини тўлиқ эгаллашда қўшимча билим манбайи бўлиб хизмат қилиши табиий. Зеро, “...луғатларсиз ижодий тафаккурни ривожлантириш мумкин эмас, оғзаки ва ёзма нутқни ўстириш воситаси бўлган жорий

<sup>1</sup> Шукуров О., Бойматова Б. Ўзбек тилининг маънодош сўзлар ўқув луғати. – Т., Янги аср авлоди. 2009

<sup>2</sup> Бобоҷонов Ш., Исломов И. Ўзбек тилининг сўзлар даражаланиши ўқув луғати. – Т., Янги аср авлоди. 2009.

<sup>3</sup> Менглиев Б., Баҳриддинова Б. Ўзбек тилининг сўз таркиби ўқув луғати. – Т., Янги аср авлоди. 2009.

<sup>4</sup> Ҳамраева Ё. Ўзбек тилининг ўзлашма сўзлар ўқув изоҳли луғати. – Т., Янги аср авлоди. 2009.

<sup>5</sup> Норхўжаева Х. Ўзбек тилининг эскирган сўзлар ўқув луғати. – Т., Янги аср авлоди. 2009.

<sup>6</sup> Менглиев Б., Бойматова О., Худойбердиева М. Ўзбек тили иборалари ўқув луғати. – Т., Янги аср авлоди. 2009.

<sup>7</sup> Она тили. Қомус. Тузувчилар: Менглиев Б. Холиёров Ў. Қодирова Х. – Т., Янги аср авлоди. 2010. – Б.6.

дарсликлар ўз вазифасини тўла бажара олмайди”<sup>1</sup>. Шундай экан, луғатлар таълимнинг маълум бўшлигини тўлдиради дея bemalol айта оламиз.

Атамалар луғатлари хам дарсликлардаги атамаларнинг нотўғри кўлланилиши, ҳар хилликлар, чалкашликларга йўл қўйилмаслиги учун қўлланма вазифасини ўтайди. Бугунги кунда зарур илмий атамаларни қамраб олган маҳсус луғатлар хам чоп этилиши ривожланиб бормоқда. Хусусан, юридик<sup>2</sup>, ҳукуқий<sup>3</sup> атамалар луғатлари мустақилликдан кейин авж олди. Бу собиқ президент И.А.Каримовнинг Олий Мажлис Норматив ҳукуқий атамалар комиссиясининг тузилиши билан боғлиқ, қонун тилининг пухта ишланишига қаратилган чора тадбирлардан бири бўлди. Мазкур луғатлар ҳукуқий атамаларнинг барқарорлигини таъминлашга, аҳолининг ҳукуқий саводхонлигини оширишга, ҳукуқий онги ва маданиятини юксалтиришга хизмат қилмоқда. Айниқса, миллый истиқлол ғоясининг мазмун моҳиятини тўлароқ очишга, мафкуравий тарбияни тўғри ташкил этишга хизмат қиласидиган ва шу соҳада тез тез ишлатиладиган баъзи тушунча, тамойил ва атамаларга қисқача изоҳлар берилган изоҳли тажрибавий луғат<sup>4</sup> Ислом Каримов асарлари асосида тайёрланган, унда икки юзга яқин

<sup>1</sup> Замонавий она тили. Мавзулаштирилган луғат. Тузувчилар: Б.Менглиев ва б. – Т., Шарқ, 2011. – 280 б.

<sup>2</sup> Юридик атамалар қомусий луғати. Масъул мухаррир X.Раҳмонкулов, – Т., Шарқ, 2003, – 432 б.; Ахмедов F. Русча ўзбекча юридик атамалар луғати. – Т., Адолат, 2002, – 328 б.

<sup>3</sup> Ортиқов А. Иқтисодий ҳукуқ атамаларининг изоҳли луғати. – Т., Фоур Ғулом номидаги адабиёт ва санъат нашриёти, 1996, – 168 б.

<sup>4</sup> Миллый истиқлол ғояси: асосий тушунчалар, тамойиллар ва атамалар. Монография. Ўзбекистон Республикаси фан ва технологиялар маркази. Ўзбекистон файласуфлари миллый жамияти. – Т., Янги аср авлоди, 2002, – 191 б.

тушунча, тамойил ва атамалар луғатчилик амалиётида қарор топган тартибга риоя қилинган ҳолда алфавит тартибида берилган.

Бозор иқтисодиётига ўтиш даврида иқтисодий атамаларнинг ҳам изоҳли луғатларига эҳтиёж сезилди<sup>1</sup>. Ўзлашмалар ва тушунилиши қийин бўлган айрим атамалар ушбу луғатлардан ўрин олди. Шунингдек, биология<sup>2</sup>, геология<sup>3</sup>, география<sup>4</sup>, кимё<sup>5</sup>, физика<sup>6</sup>, ботаника<sup>7</sup>, гидрология<sup>8</sup> ва бошқа фанлар атамалари

<sup>1</sup> Эргашев Т. Иқтисодий атамаларнинг ўзбекча инглизча русча лугати. – Т., Шарқ, 2001. – 63 б.; Дўстмуҳаммедов Ж. Инглизча ўзбекча русча иқтисодиёт атамалари лугати. – Т., Ўзбекистон, 1994, 124 б.; Қишлоқ хўжалиги иқтисодиёти атамаларининг русча ўзбекча лугати. – Т., Ёзувчи, 1994, – 62 б.

<sup>2</sup> Биология атамаларининг русча ўзбекча қисқача лугати. Монография. – Т., Фан, 1995, 67 б.; Бўриев Х. Биология атамаларининг русча ўзбекча қисқача лугати. – Т., 1995. – 250 б.; Мусаев Ш.М. Микробиология атамаларининг русча ўзбекча изоҳли лугати. Монография. – Т., Фан, 1975, 94 б.

<sup>3</sup> Геология атамаларининг русча ўзбекча қисқачалугати. Ўзбекистон Республикаси атакуми. Тошкент давлат Техника университети. – Т., Фан, 1994, 95 б.; Маъдан геологияси атамаларининг қисқача изоҳли русча ўзбекча лугати. – Т., ГИДРОИНТЕО. 2002, – 250 б.; Рашидов Д. Муҳандислик геологияси ва гидрология атамаларининг русча ўзбекча қисқача лугати. Монография. – Т., Фан, 1995.

<sup>4</sup> Мирабдулла ўғли Мирортиқ. Жўғрофий атамалар лугати. – Т., 1992, – 56 б.

<sup>5</sup> Дўстмуродов Д. Кимё атамалари лугати. – Т., Ўзбекистон, 2003, – 400 б.; Аҳмедов К.С. Кимё атамаларининг русча ўзбекча қисқача лугати. Монография. – Т., Фан, 1993, – 41 б.

<sup>6</sup> Бекжонов Р.Б. Физикадан русча ўзбекча атамалар лугати. 20000 га яқин сўз. – Т., Ўқитувчи, 1991, 296 б.; Аъзамов А. Атмосфера физикасидан русча ўзбекча атамлар лугати. – Т., 2004, 96 б.

<sup>7</sup> Аҳмедова М. М. Инглизча ўзбекча русча ботаника атамалари лугати. – Т., Ўзбекистон, 2003. – 128 б.

<sup>8</sup> Расулов А.А. Гидрология атамалари ва тушунчаларининг русча

луғатларининг пайдо бўлиши олий ўқув юртлари ўқитувчиларига, талабаларга мазкур фанларни чукурроқ ўзлаштиришларида кўл келди. Мазкур луғатларда ҳам кўпчилик атамалар рус тилига турли тиллар, яъни, араб, юонон, инглиз, лотин ва бошқа тиллардан кириб қолган ва дунё миқёсида шу ҳолда қўлланилгани сабабли атамаларни ўзлашма шаклида қолдирилганлигини кузатишимиш мумкин.

Муайян тилнинг грамматик<sup>1</sup>, методик<sup>2</sup> луғатлари ҳамда боғдорчилик<sup>3</sup>, сабзавотчилик<sup>4</sup>, бинокорлик<sup>5</sup>, божхона<sup>6</sup>, жисмоний тарбия<sup>7</sup>, политехника<sup>8</sup> атамалари луғатлари ҳам ўзбек луғатчилиги ривожига ҳисса қўшди. Уларнинг аксарияти соҳа мутахассислари, институт ва ўзбекча луғати. – Т., Университет. 1993, – 96 б.

<sup>1</sup> Мирсоатов Т.З. Немисча ўзбекча грамматик атамалар изоҳли луғати. Монография. – Т., Ўқитувчи. 1992, – 152 б.

<sup>2</sup> Русча немисча ўзбекча методик атамалар луғати. – Т., Ўқитувчи. 1992, – 143 б.

<sup>3</sup> Мирзаев М.М. ва б. Боғдорчилик ва токчилик атамаларининг русча ўзбекча қисқача луғати. Монография. – Т., Фан, 1995, 78 б.

<sup>4</sup> Азимов Б.Ж. Сабзавотчилик атамаларининг русча ўзбекча қисқача луғати. – Т., 1997. – 85 б.

<sup>5</sup> Бинокорликдан русча ўзбекча атамалар луғати. Монография. – Т., Қомуслар бош таҳририяти. 1994. – 222 б.; Холмуродов Р.И., Шарофиддинов К.Ш., Азизов А.П. ва б. Қурилишга доир атамаларнинг русча ўзбекча луғати. – Т., Ўзбекистон, 1993 – 111 б.; Латипов А., Гуломов И. Ер тузиш ва ер кадастри бўйича атамаларнинг русча ўзбекча луғати. Монография. – Т., 1995. – 79 б.

<sup>6</sup> Божхона атамалари русча ўзбекча қиска луғати. – Т., 2002. – 112 б.

<sup>7</sup> Бобоёров М.Ҳ. Мустақиллик даври жисмоний тарбия ва спорт атамаларининг шаклланиши. Фил.фан.номз... автореф... 10.02.02. Самарқанд, 2002. – 33 б.

<sup>8</sup> Салимов О.У. ва б. Русча ўзбекча политехника атамалари луғати. – Т., Фан, 1995. 356 б.

ўрта маҳсус билим юртлари талаба-ўқитувчиларига мўлжалланган. Бу борада тарихий атамалар луғати кўп йиллик тажрибага эга десак муболаға бўлмайди. Б.Аҳмедовнинг 1977 йилда чоп этилган “Тарихдан қисқача изоҳли луғат”и, Ж.Бекмуҳаммединг 1986 йилда нашр этилган “Тарих терминларининг изоҳли луғати” ва ниҳоят 2002 йилда “Тарихий атамаларнинг қисқача изоҳли луғати”<sup>1</sup> луғатчилик ривожида муҳим аҳамият касб этди.

2004 йилда нашр этилган “Фармацевтик атамаларнинг русча-ўзбекча луғати”<sup>2</sup> касбий атамалар муаммоларини ҳал этишда муҳим роль ўйнайди. Луғатга фармацевтика ва тиббиётда дори воситаларининг турли хосса ва хусусиятларини ифодалашда кенг қўлланадиган 3000 га яқин сўз ва ибора ва муҳим сўз бирикмаларининг ўзбек тилидаги таржимаси, шунингдек уларнинг изоҳлари киритилган, унда бир қатор лотин, грек ва инглиз тилларидан ўзлаштирилган сўзлар умумий ҳалқаро қабул қилинган кўринишда, уларнинг изоҳи ўзбек тилида берилган.

Аммо адабиётларнинг аксарияти бир тилли ёки икки тилли, электроника<sup>3</sup>га бағишлилангани бизнинг ишимизга маълум даражада ўхшайди. Ушбу адабиёт 1983 йилда чиққан “Электрон асбоблар”, 1990 йилда чиққан “Микроэлектроника”, 1991 йилда чиққан “Ўта юксак частотада ва ёруғлик диапазонида ишловчи

<sup>1</sup> Чориев. З. Тарих атамаларининг қисқача изоҳли луғати. – Т., Академия, 2002. 316 б.

<sup>2</sup> Фармацевтик атамаларнинг русча ўзбекча изоҳли луғати. Мухаррир фалс.фан.номз. А.Б.Кабиров. – Т., Зар қалам, 2004. 168 б.; Одам скелети суюкларининг рентгеноанатомик атамалари. Монография. – Т., Ибн Сино, 1992. 71 б.

<sup>3</sup> Юнусов Н. Электроника бўйича асосий тушунча ва атамаларининг ўзбекча русча инглизча изоҳли луғати. – Т., 1996.

асбоблар” бўйича асосий тушунча ва атамаларнинг изоҳли луғатларининг таркибий қисми ва давоми, у ҳозирги кунда информацияни қабул қилиш, узатиш, ишлаш ва сақлаш мақсадларида кенг қўлланаётган оптоэлектрон асбобларнинг физик асослари, характеристика ва параметрларига бағишиланган. Унда атамаларнинг номи ўзбек, рус ва инглиз тилларида келтирилган, афсуски, уларнинг талқини эса факат ўзбек тилида берилади.

Албатта, ҳар бир нарсанинг ютуғи бўлганидек, юқорида зикр этилган адабиётлар ҳам камчиликлардан холи эмас. Аммо улар луғатчиликнинг такомиллашишида катта аҳамият касб этади. Кейинги ишларнинг йўналиши ва кўламини белгилашга ёрдам беради.

### **Миллий тасвирий ва амалий санъат атамалари луғати муаммо сифатида**

Ўзбекистон санъатининг қадимийлиги, бой маданияти дунёга машҳур. Унинг заминида қад кўтариб турган ёдгорликлар ва тарихий қазилма бойликлар ўзига хос бир улкан музейни ташкил қиласиди. Аждодларимиз томонидан яратилган тақрорланмас амалий безак санъати теран мазмунли ва юқори бадиий қийматли маданият ёдгорлиги сифатида намоён бўлади. Асрлар давомида ортирилган маданий бойлигимиз, хусусан, ўзбек миллий халқ амалий безак санъатининг ганчкорлик, наққошлиқ, ёғоч ўймакорлиги, тоштарошлиқ, суяқ ўймакорлиги, кандалорлик, пичоқчилик, саватчилик, бўйрачилик каби турларнинг ўзига хос бажариш технологияси, мактаблари, услублари борки, у бугунги кунга қадар ўз аҳамиятини йўқотгани йўқ. Аммо тасвирий ва амалий

санъат атамалари тилшунос ва санъатшуносларнинг эътиборини йиллар давомида тортиб келаётган бўлсада, бугунги кунга қадар уларнинг луғат-кўрсаткичини тузиш масаласи очик қолган. Зеро, бадиий таълимда жуда кўп тушунчаларга ва атамаларга дуч келинади (масалан, *мадоҳил*, *турунж* ва б.), уларнинг маъно ва мазмунини исталган вақтда тегишли адабиётлардан топиш амримаҳол. Бундан ташқари, Ўзбекистоннинг турли шаҳарларида айрим атамалар ўзларининг маҳаллий шеваларида ҳар хил ифодаланади. Масалан “ганч”ни Тошкентда “ганч” деб юритилса, Марғилонда “бўр” деб, “ахта”ни Хоразмда “улги” дейилса, Тошкентда “ахта” деб юритилади. Шунинг учун, ушбу атамалар изоҳли луғатининг яратилиши ифодаларни тушунишдаги ҳар хилликка барҳам беради. Ўқувчиларни ҳалқ усталарининг бу санъат соҳасидаги ютуқлари билан таништиришда ҳамда келажак авлодга ўзбек миллий санъатини мустаҳкам ўргатишда дастуруламал вазифасини ўтайди.

Мамлакатимизда тасвирий санъат атамалари луғатлари борасида муайян ишлар амалга оширилган, 1991 йилда нашр этилган С.С.Булатовнинг “Ганчкорлик, наққошлиқ ва ёғоч ўймакорлиги атамаларига оид изоҳли луғат”<sup>1</sup> бунга яққол далил бўла олади. Муаллиф тажрибали усталар, санъатшунослик, тилшунослик мутахассисларининг атамаларни тўплаш, ўрганиш, тадқиқ этиш ҳақидаги фикрларини инобатга олиб, ҳар хил адабиётлар, мақолалар, архив манбалар билан танишган ҳолда ўзи тўплаган ҳалқ амалий безак санъатида учрайдиган атамаларнинг маъноларини тушунтириб беришга интилган. Аҳамиятли томони

<sup>1</sup> Булатов С.С. Ганчкорлик, наққошлиқ ва ёғоч ўймакорлиги атамаларига оид изоҳли луғат. – Т., Мехнат, 1991. 78 б.

шундаки, мазкур лугатда атамалар алфавит тартибида берилган, чизмалар билан бойитилган. Масалан:

“**БАРГ** – ўсимликсимон нақш элементи бўлиб, наққошлар томонидан табиатдаги ўсимлик баргларини умумлаштириб олинган тасвири. Баргларнинг қўйидаги турлари бор: шобарг (шох барг), ўсимликсимон нақш элементларидан бири бўлиб, барглар ичидан энг каттаси ҳисобланади. “Кўшбарг” икки баргдан иборат бўлган ўсимликсимон нақш элементи, “кўпбарг” бир неча барглардан ташкил топган ўсимликсимон нақш элементи, (чорбарг) тўрт баргдан иборат бўлган нақш элементи, (хурмо барги) хурмо дараҳти баргининг наққошлар томонидан умумлаштириб олинган тасвири, тол барги, анор барг, қашқарча барг, маҳодил барг, кўшбодом барг, қалампир барг, нок барг, санбит барг, бутоқ барг ва бошқа турлари бор.



Барг нақш композицияда тўлдирувчи ва хусн берувчи элемент бўлиб тузилишига кўра оддий ва мураккабга бўлинади. Оддий баргларга уч барг, бодом барги, тол барги ва бошқалар киради. Мураккаб баргларга эса кўпбарг, шохбарг ва бошқалар киради (4-расм).<sup>1</sup>

<sup>1</sup> Булатов С.С. Ганчкорлик, наққошлиқ ва ёғоч ўймакорлиги атамаларига оид изоҳли лугат. – Т., Мехнат, 1991. – Б.11.

Кўриниб турганидек, ушбу адабиёт устозшогирд анъанаси<sup>1</sup>га мувофиқ равишда фақат тор доирадаги таълим муассасаларида гина ташкил этилган нақошлиқ, ганчкорлик ва ёғоч ўймакорлиги тўғаракларининг раҳбарлари ҳамда аъзолари учун мўлжалланган атамаларнинг муфассал изоҳли лугати. Ундан нафақат бадиий таълим муассасасининг бидиий графика факультети талабалари, балки, санъатшунослар, меъморлар, таъмирловчи усталар, санъат усталари, миллий маданият анъаналари билан қизиқувчилар фойдаланишлари ҳам мумкин.

1997 йилда нашр этилган санъатшунос А.Умаров ҳамда М.Аҳмедов ҳаммуаллифлигига “Тасвирий санъат атамаларининг изоҳли лугати”<sup>2</sup> номли мактаб тасвирий санъат ўкувчилари ва бадиий ўкув юртларининг талабалари учун мўлжалланган адабиёт ҳам бу йўлдаги тажриба қадамлардан бири. Муаллифлар мазкур лугатни тузишда атамаларнинг айнан таржимасини берибгина қолмай, унинг ўзбекона атамаларини топишга ҳаракат қилиб кўришган. Зеро, аксарият тасвирий санъат атамалари рус тили орқали кириб келган

<sup>1</sup> Узтоз-шогирд анъанаси кўп асрлик анъанага эга, ихчам шакл, бир гурух ўкувчиларни индивидуал ўқитиш принципига асосланган миллий усул. У таълим соҳасида анъанавий санъат турлари, асосан анъанавий бадиий хунармандчилик йўналишига эга. Ўзбекистондаги бадиий таълимнинг бошқа тури, бу мамлакатимизда XIX аср охирида тарқалган Европа классик йўналишидир. Бу жараён маҳаллий халқ маданий мухитига санъатнинг европача шакллари – дастгоҳли ва маҳобатли рангтасвир, ҳайкалтарошлиқ ва графиканинг кириб келиши билан боғлик бўлди. Бугунги кунда таълимнинг бу икки йўналиши бир-бирини ўзаро тўлдириб турган холда Камолиддин Бехзод номидаги миллий рассомлик ва дизайн институтининг таълим тизимида қўлланилади.

<sup>2</sup> Умаров А. Аҳмедов М. Тасвирий санъат атамаларининг изоҳли лугати. – Т., Ўқитувчи. 1997. 36 б.

ўзлашма сўзлардан иборат. Ўрни билан айрим туркий сўзлардан фойдаланилган. Масалан, алфавит тартибида берилаётган сўзларнинг “Ч” қисмида фақатгина иккита сўз: **ЧИТГАРЛИК** (чит ишлаб чиқариладиган соҳа) ва **ЧИНКВЕНЧЕНТО** (Италия уйғониш даврининг юксак босқичи, XV асрда шундай деб аталган) атамаси келтирилган. С.Булатовнинг изоҳли луғатида эса:

**ЧАКИЧ ЗАМИН**  
**ЧАРХИЙ ГУМБАЗ**  
**ЧАСПАК ДАСТАРРА**  
**ЧАШМИ БУЛБУЛ ЗАНЖИРА**  
**ЧЕКМА**  
**ЧЕКМА ИСКАНАЛАР**  
**ЧИЗМА ПАРДОЗ**  
**ЧОКА ПАРДОЗ**  
**ЧАПУ РОСТ ТАҚСИМ**  
**ЧОРБАРГ**

каби атамаларнинг изоҳлари тўлиқ қайд этилган. Ва, аксинча, С.Булатовнинг изоҳли луғатида “Ҷ” қисмида ҳеч қандай сўз келтирилмай, А.Умаровнинг изоҳли луғатида ягона **ЦИНКОГРАФИЯ** (цинкка ўйиб ишланган ва ундан олинган босма тасвир) атамаси ўз аксини топади. Бу ҳам ўзбек тили ҳарфлар тизимида мавжуд бўлмаган ҳарф бўлганлиги, шунинг натижасида, шу ҳарф билан бошланувчи нутқий бирликларнинг йўқлиги сабабли милий тасвирий санъат атамалари қаторидан ўрин олмаганлиги билан изоҳланади.

Ва, ниҳоят, XXI аср бошига келиб тасвирий ва амалий санъат атамаларининг муфассалроқ изоҳли луғати<sup>1</sup> дунё юзини кўрди. 2001 йил Б.Нодир томонидан

<sup>1</sup> Нодир Б. Тасвирий ва амалий санъат атамаларининг изоҳли

“Санъат” нашриётида чоп этилган мазқур луғат нафақат шу даврда күпроқ мурожаат қилинадиган атамаларни, балки халқ тиридаги турлича атамалар<sup>1</sup> ва қадимги архаик атамалар<sup>2</sup>ни ҳам ўз ичига олган. Адабиётнинг юқоридаги китоблардан батафсилроқ эканлигини “Ч” ҳарфининг ўзида 35 га яқин миллий тасвирий санъат атамаларининг изоҳи акс этганини айтиб ўтиш кифоя. Масалан:

**ЧАККАДЎЗИ  
ЧАКМОН  
ЧАКМАТУР  
ЧАМБАРАК  
ЧАРХБЕЧА  
ЧАЧВОН, ЧИММАТ  
ЧИТ  
ЧИМИЛДИҚ**

каби минтақамизning турли ҳудудларида қўлланадиган амалий санъат атамаларининг изоҳлари луғатдан ўрин олган.

Албатта, санъат соҳасидаги адабиётларда йўл-йўлакай глоссарий, таянч тушунчалар тарзида тасвирий ва амалий санъат атамалари муаммоси ўзига хос тарзда ечилиб келинган. А.Ҳакимов ва Э.Гульнинг ЮНЕСКО ваколатхонаси билан ҳамкорликда чоп этилган “Байсан – атлас художественных ремёсел”<sup>3</sup>

---

лугати. – Т., Санъат, 2001

<sup>1</sup> Алвон, аргувон, қирмизи, гулоби, нилоби, каптарбўйин, сарғиш, нилфом, норфом, кўқча, окчили...

<sup>2</sup> Азрак, акхоб, кўхлий, байзо, обсун, шафакгун, хуний, фалфолий, утружий, усфурний, дамавий, қутий, ринд, сабзагун...

<sup>3</sup> Ҳакимов А. Гуль Э. Байсан – атлас художественных ремёсел. – Т., «PRINT-S», 2006.

номли китобида бир неча йўналишларга бўлинган 200 га яқин халқ амалий хунармандчилигига оид атамаларнинг русча изоҳлари, Н.Норматовнинг рассом Рустам Худойбергановга ҳаёти ва ижодига бағишиланган “Ранглар юртига йўл” номли асарларида 150 га яқин замонавий тасвирий санъат атамалари<sup>1</sup>нинг ўзбекча изоҳлари, Ч.Абдуллаева ва Ф.Тоироваларнинг “English for art and design students II”<sup>2</sup>номли ўкув қўлланмасидан ўрин олган 350 га яқин тасвирий санъат атамаларининг инглизча изоҳлари шулар жумласидан. Бу атамларнинг аксарияти санъат соҳасининг турли йўналишларига бағишиланган ҳамда ҳудудий жиҳатдан, йўналишлари (каштачилик, гиламдўзлик, рассомлик, ҳайкалтарошлиқ...), тури, техникаси, усули, этимологияси нуқтаи назаридан фарқланадилар. Энди уларни тўплаб бир тизимга солиш, замон талаблари даражасида ҳар бирининг ўзбекча, русча ва инглизча изоҳлари билан, талаба-ёшлар, профессор-ўқитувчилар ва шу соҳага қизиқувчилар учун мўлжалланган луғат-кўрсаткич тузишни давр тақозо этмоқда.

## **Фасл бўйича холоса**

Дарсликларга ёрдамчи манбаа сифатида яратилган кўпгина луғатлар она тилимизни мукаммал эгаллашда қўшимча билим манбай бўлиб хизмат қилиши шубҳасиз. Зеро, уларсиз билим ва онгни ривожлантириш мумкин эмас. Жумладан, оғзаки ва ёзма нутқни ўстириш воситаси бўлган дарсликлар ўз вазифасини тўла бажара олмас экан, турли луғатлар таълимнинг маълум бўшлигини тўлдиришга хизмат қиласи.

<sup>1</sup> Норматов Н. Ранглар юртига йўл. – Т., Ношир. 2013.

<sup>2</sup> Абдуллаева Ч., Тоирова Ф. English for art and design students II. – Т., Янги аср авлоди. 2014

Луғатлар юзасидан қилинган ишларнинг аксарияти кўп тилли эмаслиги ва ёки атамаларнинг фақат номи ўзбек, рус ва инглиз тилларида келтирилганлиги, уларнинг талқини берилмаганлиги ёки фақат ўзбек тилида бўлганлиги, мазкур масала очик қолганлигидан далолат беради. Чунки, мамлакатимизнинг турли жойларида айрим атамалар маҳаллий шеваларида ҳар хил ифодаланиши, бу эса тартибсизлика олиб келиши муқаррар. Демак, ушбу атамалар изоҳли луғатининг яратилиши, тушунчалардаги ҳар хилликка барҳам бериш кун масаласидир. Таълим олувчиларни санъат соҳасидаги ўзгаришлар билан таништиришда мазкур луғатлар дастуруламал бўлиши ҳамда келажак авлодга ўзбек миллий санъатинидан сўзловчи манбаа бўлиши шубҳасиз.

Атамлар санъат соҳасининг турли йўналишларига бағишланган ҳамда худудий, йўналишлари, тури, техникаси, усули, этимологияси жиҳатдан фарқланар экан, уларни тўплаб бир тизимга солиш, замон талаблари даражасида ҳар бирининг ўзбекча, русча ва инглизча изоҳлари билан, талаба-ёшлар, профессор-ўқитувчилар ва шу соҳага қизиқувчилар учун мўлжалланган луғат-қўрсаткич тузиш куннинг долзарб масаласидир.

## **Учинчи фасл**

# **МИЛЛИЙ ТАСВИРИЙ ВА АМАЛИЙ САНЪАТ АТАМАЛАРИ ТАДҚИҚИ**

Дунё тилшунослигининг ҳозирги ҳолати, жамиятимизда юз бераётган ижтимоий-сиёсий ўзгаришлар, бошқа фанларга бўлгани каби, ўзбек тилшунослиги олдига ҳам янги вазифаларни қўймоқда. Собиқ президентимиз Ислом Каримов «Юксак маънавият – енгилмас куч» асарида алоҳида таъкидлаганидек, «айниқса, фундаментал фанлар, замонавий коммуникация ва ахборот технологиялари, банк-молия тизими каби ўта муҳим соҳаларда она тилимизнинг қўлланиш доирасини кенгайтириш, этимологик ва қиёсий луғатлар чоп этиш, зарур атама ва иборалар, тушунча ва категорияларни ишлаб чиқиш, бир сўз билан айтганда, ўзбек тилини илмий асосда ҳар томонлама ривожлантириш миллий ўзликни, Ватан туйғусини англашдек эзгу мақсадларга хизмат қилиши шубҳасиз”<sup>1</sup>.

Тилни илмий асосда ҳар томонлама ривожлантириш жамият ҳаёти билан бевосита боғлиқ экан, ижтимоий ҳаётда рўй бераётган ўзгаришлар тилда акс этиши муқаррар. Бу ўзгаришлар ҳаммадан кўпроқ тилнинг луғат бойлигига ўз ифодасини топади.

Атамалар – касбий мулокот воситаси. Санъат атамаларини таснифлашда – тасвирий санъатга, ҳайкалтарошлиқка, декоратив амалий санъатга, театр каби йўналишларга бевосита алоқадор бўлган

<sup>1</sup> Каримов И.А. Юксак маънавият – енгилмас куч. – Тошкент: Маънавият, 2007. – Б. 87.

барча нарса, ҳодиса, ҳаракат ва шахсларнинг турли номларига таяномиз. Улар хилма-хил. Шу нуқтаи назардан, дастлаб миллий ва ўзлашма тасвирий санъати атамаларини ажратиб олишимиз даркор.

Аввало, “тасвирий санъат” биримасига нисбатан “миллийлик” тушунчасининг қўлланилишини тасвирий санъат усталари ва санъатшунослар рад этишини айтиб ўтиш жоиз. Минтақамизда “тасвир” сўзи қўлланган. Аслида “санъат” арабча сўз бўлса-да, “тасвирий санъат” атамаси ишлатилмаган. Усталар унинг ўзи бўлмаган, деб ҳисоблайдилар. Бу атама рус маданияти билан кириб келган “изобразительное искусство” биримасининг маъносини берувчи таржима, муқобил сўз сифатида намоён бўлади. А.Умаров нутқимизда ўрнашиб қолган мазкур бирликни, келгусида қайта номланишига умид қиласди<sup>1</sup>. Унинг фикрига кўра, бу бирлик кенг доирада баъзида рангтасвир, ҳайкалтарошлик, қаламтасвирни ҳам, шунингдек, амалий санъат, меъморчиликни ҳам қамраб олади. Бизнинг назаримизда, қадимий ва бой тарихга эга “амалий санъат” атамалари “миллий” деб таърифланишига ҳақли. Бу ҳам русча “прикладное искусство” биримасининг ағдармаси, деб ҳисоблайди А.Умаров ва “унинг ўрнига “хунармандлик” атамасини ишлатиштўғрибўлади”<sup>2</sup> дейдиу. Бироқ, “хунармандлик” тушунчаси ўзга тил вакиллари учун тушунилиши қийин бўлаган тор маъноли тасаввур уйғотиши эҳтимолдан холи эмас. Зеро, “хунар” нафақат санъат ёки билим, кўнижма, маҳорат, усталик, балки касб ҳамдир. Унинг “атама” дейилиши учун бирор соҳага ёки йўналишга тегишли бўлиши керак. Чунки, ҳунар сўзининг кўчма

<sup>1</sup> Умаров А., Ахмедов М. Тасвирий санъат атамаларининг изохли лугати. – Т., Ўқитувчи. 1997 й. – Б.3.

<sup>2</sup> Умаров А., Ахмедов М. Тасвирий санъат атамаларининг изохли лугати. – Т., Ўқитувчи. 1997 й. – Б.3.

маънолари ҳам бор. Ҳунарманлик – ҳунарманд эканлик, яъни уйида ёки ўз дўконида маҳсулот ишлаб чиқариш билан шуғулланувчи касб-хунар эгаси ёки ўз иш-касбининг моҳир устаси<sup>1</sup>. Амалий санъат эса амалда татбиқ этиладиган, тажрибада қўлланадиган барча санъаткорона қўл меҳнати маҳсули. Ишмиздан мақсад, “Тасвирий ва амалий санъат атамаларининг ўзбекча, русча, инглизча қисқача изоҳли луғат-кўрсаткичи”ни яратиш экан, барча учун қабул қилиниши қулай бўлган тил бирлигини қўллашни маъқул кўрамиз. Шунинг учун, тасвирий ва амалий санъат атамларини бемалол миллий ҳамда ўзлашма тасвирий санъат атамалари, дея таснифласак бўлади.

## **Миллий тасвирий ва амалий санъат атама ва бирликлари таҳлили**

Санъат соҳасига оид атамаларининг кенг миёсда тадқиқ этилиши бир қанча афзалликларга эга. Бу нафақат санъат соҳасига тегишли нутқ бирликларини объектив равишда рўйхатга олиш, балки мазкур бирликлар ҳақидаги тасаввурларни кенгайтириш, санъат атамалари таркибини жорий қилиш ҳамда улардан фойдаланишнинг ўзига хосликларини аниқлаш имконини беради.

Санъат атамалари масаласи нафақат ўзбек тилшунослиги, балки рус ҳамда инглиз тилшунослигига ҳам деярли ўрганилмаган. Ваҳоланки, санъат атамалари тилшунос ва санъатшуносларнинг эътиборини доимо тортиб келган. Аммо, уларнинг тасвирий ва амалий санъат атамаларидан фойдаланиш тарихи тўғрисидаги маълумотларини тўқис деб бўлмайди. Атамаларнинг

<sup>1</sup> Ўзбек тилининг изоҳли лугати. – Т., Ўзбекистон Миллий энциклопедияси. 2006. 5-ж. 562-б

семантикаси, уларнинг атамалар тизимидағи ўрни муаммоси очиқ қолган.

Албатта, тасвирий ва амалий санъат атамаларини ишлаб чиқишига уринишлар бўлди, шунга қарамай, ҳануз атамаларнинг тўлиқ изоҳли луғат-кўрсаткичи мавжуд эмас.

“Атамашунослик – дейди А.А.Реформатский, – турли хил, шунингдек, ўзига хос ҳам<sup>1</sup>. Масалан, атаманинг муҳим хусусиятларини қўплаб мутахассис атамашунослар каби Н.П.Кузьмин<sup>2</sup> ҳам қуидагича белгилайди:

1. Мазкур атамалар таркиби доирасида бирмаънолилик: яъни синонимларнинг йўқлиги; аниклик;
2. Тизимлилик, яъни шу атамалар таркибининг бошқа атамалари билан ўзаро алоқаси;
3. Таркибида объектга нисбатан тўғри мўлжал олиш;
4. Ясама сўзларнинг ясалишидаги қулайлик;
5. Тилнинг сўз ясалиши қоидаларига мувофиқлиги; қисқалик;
6. Ҳиссий ифоданинг йўқлиги ва ҳ.

Бу талаблар атамалар тўғрисида нотўғри тасавур уйғотади, деб ҳисоблайди қирғиз тадқиқотчиси С.Мамбетова<sup>3</sup>. Унинг фикрига кўра, тасвирий санъат атамаларига нисбатан, андоза сифатида биринчи таъриф нуқтаи назаридан ёндашишнигина ўзи етарли бўлади.

<sup>1</sup> Реформатский А.Н. Что такое термин и терминология. // Вопросы терминологии. – М., Наука, 1961. – С.65-71

<sup>2</sup> Кузьмин Н.П. К вопросу о сущности термина. // Вестник – М., / МГУ. Выпуск 4.1962 Серия: История языка и литературы. № 20.

<sup>3</sup> Мамбетова С.К. Термины искусства и особенности их перевода на английский язык. – Бишкек, 2008.

Айрим миллий тасвирий санъат атамалари эскирган, бугунги кунда уларнинг қўлланиши замонавий санъат техникаси даражасига мос келмайди, ва натижада муомаладан четга чиқади. Ва аксинча, бошқа соҳаларда бўлгани каби санъат соҳасидаги барча янгиликлар, тушунчалар қайси тилда пайдо бўлган бўлса, глабаллашув натижасида байналмилал атама сифатида тарқалиб кетади. Масалан, минтақамизда “бўлажак суратнинг намунаси, бир қисми ёки ҳайкали” тушунчаси бўлганлиги эҳтимолдан холи эмас, аммо “этюд” номи рус ҳамда инглиз (etude) тилларида ҳам мавжуд. Аслида бу сўз лотин тили орқали (studium – ҳаракат) француз тилидан (etude) олинган бўлиб, “тадқик” деган маънони билдиради, “эскиз”нинг муқобили. У – натурадан олинган, унчалик катта бўлмаган ҳажмда ишланган, ҳақиқий картина ёки ҳайкал учун ёрдамчи сурат ёки ишланма. Ф.Т. Ефремовнинг изоҳли лугатида мазкур сўзга 4 хил изоҳ келтирилади.<sup>1</sup> *Биринчиси*, юқорида зикр этилган изоҳ; *иккинчиси*, концерт ижросига мўлжалланган юксак моҳирлик характеристидаги чолғу асбоблари саҳна асари; *учинчиси*, кичик адабий асар ёки бирор бир кишига тегишли шахсий масалага бағишланган илмий изланиш, ва ниҳоят, *тўртинчиси*, актёрлик, шахмат, мусиқа каби бирор санъатнинг ривожланишига ва техникасининг мукаммаллашувига хизмат қиласидиган (одатда, тайёргарликсиз, ижро пайтида яратиладиган) машқ.

Бу изоҳлар И.С.Ожеговнинг лугатида ҳам акс этади. Юксак маҳоратли мусиқий асар; бўлажак катта тасвирий санъат асарининг натурадан нусха олинган чизмаси ёки ясалган буюми, одатда бирор

<sup>1</sup> Ефремова Т.Ф. Новый словарь русского языка. Толково-словообразовательный. – М., Русский язык, 2000.

бўлаги, қисми; шахсий масалага бағишиланган (илмий, танқидий) кичик ҳажмдаги асар; (музиқа, шахмат ўйинига тегишли) машқ тури; эскиз машқи, ярим маҳсулоти учун бўёқ билан натурадан нусха олинган чизмаси, ишланма<sup>1</sup>.

Кўриниб турганидек, мазкур маъноларининг барчаси умумлаштирувчи санъат тушунчаси билан боғлиқ, кўпроқ “уриниш”, “машқ”, “ҳали мукаммаллик даражасига етмаганлик” сифатларини ўзида акс эттиради. Бу атамага қўйиладиган талабларга мос келади. Бироқ унинг бош маъноси ўзбек тилида мавжуд андаза тушунчасига маълум маънода мос келишининг гувоҳи буламиз.

Андаза форсча “ўлчов”, “қолип” деган умумий маънони бергани ҳолда, Ўзбек тилининг изоҳли луғатида унинг бир нечта изоҳлари келтирилади. 1 Кийим-бош, пойафзал ва шу кабиларни бичиш, тайёрлаш учун қалин қофоз, картон ва шу кабидан ясалган нусха-қолип<sup>2</sup>. Албатта, мазкур изоҳ “музиқий чолғу асблоблари саҳна асари” тушунчасидан анча йироқ. Бироқ этюднинг бош маъноси – “бўлажак катта тасвирий санъат асарининг натурадан нусха олинган чизмаси ёки ясалган буюми, одатда бирор бўлаги, қисми” таърифига ўхшаш. У ҳам бўлса кўпроқ “эскиз” маъносига тўғри келади. Эскиз ҳам французча (*esquisse*) сўз, “хомаки нарса” деган маънони билдиради. Бадий асар, иншоот, механизмнинг ёки унинг бирор қисмининг дастлабки, хомаки, қоралама

<sup>1</sup> Ожегов С.И. Словарь русского языка: Ок. 57000 слов./Под ред. чл.-корр. АНССР Н.Ю.Шведовой. 20-е изд., стереотип. – М., Рус. яз., 1989. – 750 с.

<sup>2</sup> Ўзбек тилининг изоҳли лугати. – Т., Ўзбекистон Миллий энциклопедияси. 2006. 1-ж. – Б.84.

нусхаси, чизмаси ёки режаси, дея таъриф берилади Ўзбек тилининг изоҳли луғатида<sup>1</sup>.

Атамаларнинг бир маънолилик талаби *андазани* атама сифатида олишимизга тўсқинлик қиласди. Масалан, **андозаси келишган** 1) бичими яхши, усталик билан бичиб тикилган, хушбичим (кийим-бош, пойабзал ҳакида); 2) *кўчма қадди-қомати* келишган, бўйи-басти ўзига ярашган: хушқомат, хушбичим. **Андоза олмоқ** 1) бирор нарсанинг шаклини кўчирмоқ; 2) *кўчма ўрнак олмоқ*, ибрат олмоқ.<sup>2</sup>

*Андаза* сўзининг луғатдаги 2- ва 3- маънолари<sup>3</sup> эса “этюд” атамасига умуман мувофиқ эмаслигини кўрсатади. Луғатда берилган мисолларда кўпроқ ўрнак тушунчаси балқиб туради. Бу унинг умумистеъмол сўз эканлигидан далолат беради. Бироқ тушунча – предмет, белги, воқеа, ҳодиса, ҳаракат ҳакида кишининг тасаввури, унинг тилда намоён бўлиши билан бирга, тушунча сўзга, сўз эса тушунчага тўла равишда мос келавермаслиги ҳам мумкин<sup>4</sup>. *Андаза* факат тасвирий санъат атамаларига оид бўлмагани билан минтақамизда ҳам мавжудлигини асослаш учун юқоридаги фикрларнинг ўзи етарли.

<sup>1</sup> Ўзбек тилининг изоҳли луғати. – Т., Ўзбекистон Миллий энциклопедияси. 2008. 5-ж. – Б.56.

<sup>2</sup> Ўзбек тилининг изоҳли луғати. – Т., Ўзбекистон Миллий энциклопедияси. 2006. 1-ж. – Б.84.

<sup>3</sup> 2 Тайёр қолип, намуна. Шарқнинг ҳаво дарвозаси биз, Янгиликнинг андозаси биз. Шайхзода, Тошкентнома. Ёдгорлик мажмууни яратишида.. ўлкамиздаги буюк бобокалонларимиз зиёратгоҳлари андазасига таяниш зарурлигига эътибор қаратилди. Газетадан. 3 Ўлчов, меъёр. Мамлакат раҳбарининг фармони.. миллий ҳаётимизни энг юқори замонавий андазаларда қуришга чакирипти. Газетадан.

<sup>4</sup> Она тили. Қомус. Тузувчилар: Б.Менглиев ва б. – Т., Янги аср авлоди. 2010. –Б. 211

“Этюд” тушунчаси ўзбек тилида тасвирий санъат атамаси сифатида фойдаланилади. Шунингдек, ўзбек тилининг изоҳли лугатида ҳам ўз ўрнига эга<sup>1</sup>. Демак, мазкур тушунча,

**Узб.** *Etüd*

**Рус.** *Этюд*

**Ингл.** *Etude*

тарзида байналмилал атама сифатида намоён бўлади.

Минтақамизда амалий санъат ривожланган экан, биз мазкур санъат йўналишига алоқадор атамаларни бемалол миллий амалий санъат атамалари, дея аташимиз мумкин эканлигини юқорида айтиб ўтдик. Мамлакатимиз ҳудуди ва унинг атрофида ўзбек миллий халқ амалий безак санъатининг ёғоч ўймакорлиги, ганчкорлик, наққошлиқ, тоштарошлиқ, сувқ ўймакорлиги, кандакорлик, пичоқчилик, саватчилик, бўйрачилик каби турларининг ўзига хос бажариш технологияси, ҳақиқий асл номлари, ўзига хос мактаблари, услублари мавжуд бўлган<sup>2</sup>. Бу санъат йўналишлари шарқона урф-одат, анъана, дин, маданият, ахлоқ қоидаларига асосланган, кўпроқ табиат ранглари ва шаклларидан андаза олинган. Масалан, “чорбарг” атамаси. Сўз форс-тожик тилидан (*чор* – тўрт, *барг* – япроқ) олинган сўзлардан ясалган ясама сўз эканлиги маълум. Аммо буни фақат амалий санъат мутахассисларигина тўртбаргдан иборат ўсимликсимон нақш элементи эканлигини яхши билади. Мазкур

<sup>1</sup> Ўзбек тилининг изоҳли лугати. – Т., Ўзбекистон Миллий энциклопедияси. 2008. 5-ж. – Б.62.

<sup>2</sup> Булатов С.С. Ганчкорлик, наққошлиқ ва ёғоч ўймакорлишги атамаларига оиз изоҳли лугат. – Т., Мехнат, 1991. – Б.3.

сўзнинг 2008 йилда нашр этилган Ўзбек тилининг изоҳли луғатининг 4-жилдига киритилмаганини атамалар, яъни қўлланилиши чегараланганд сўзлар сафига кўшилганлиги билан изоҳлаш мумкин. Бизнингча, мазкур атама миллий санъатимиз атамалари сифатида, “Миллий тасвирий ва амалий санъат атамаларининг ўзбекча, русча, инглизча қисқача изоҳли луғат-кўрсаткичи”да ўз аксини қўйидагича топмоғи даркор:

**CHORBARG** [*f.* – چاربرگ – to‘rt уарроқ] Naqqoshlik san’ati. To‘rt bargdan iborat o‘simliksimon naqsh elementi.

**ЧОРБАРГ** [*n.* – چарبرگ – четыре лепестка] Искусство росписи. Элемент растительного узора состоящий из 4х лепестков.

**CHORBARG** [*pers.* چاربرگ – four leaves] Painting. The element of plant design composed of 4 leaves.

Бугунги кундаги кам истеъмолли бу каби миллий тасвирий санъат атамаларни бир тизимга солиш, уларнинг русча ва инглизча изоҳларини тузишни давр талаб этмоқда.

### **Ўзлашма тасвирий ва амалий санъат атама ва бирликларининг қўлланиш хусусиятлари**

Ўзбекистон санъати ва маданиятининг шиддатли тараққиёти нутқимизда истифода этилаётганлиги кувонарли ҳол, албатта. Тасвирий санъат, амалий санъат, интерьер дизайн, либос дизайнни ва санъатшуносликка оид атамалар, миллий-маданий нутққа оид ўзбекча сўзларнинг русча ва инглизча муқобили ҳамда Европа нутқининг лисоний бирликлари ўзбек муҳитида кенг тарқала бошлаганлиги тилшунослар масъулиятини янада ошириши турган гап. Зеро, бунинг оқибатида уларни бир қолипга солиш, чуқур таҳлил қилган ҳолда сўзни ўз ўрнида ишлатиш тартибини белгилаш, нутқий

маданият ва нутқий салоҳият мезонларини ишлаб чиқиши вазифалари вужудга келади.

Жаҳон миқёсида ўз ўрнига эга ва кўплаб жаҳон санъат арбоблари назарига тушган, эътироф этилган санъат Биенналелари (тасвирий, фото йўналишлари) ва анъанага айланган, йилдан йилга нуфузи ортиб бораётган “Тасвирий санъат фестивали”га халқаро доирадаги санъат мутахассисларининг ва рассом, фотографлар, дизайнерларнинг иштироки натижасида миллий тасвирий санъатимизга кириб келган янги йўналишлар, гоялар акс этган асарлар орқали тилимизда янги сўзлар пайдо бўлганлигининг гувоҳи бўлиб турибмиз. *Дизайн* сўзининг ўзи ҳам ўзлашма сўз бўлгани ҳолда, ўзи билан бирга олиб келган *фестиваль, мода, модель, подиум, аксессуар, интерьер* каби янги тушунча ва лисоний бирликлар бугунги кунда омма учун тушунарли бўлиб қолди. “Янги тушунча” масаласи эса кўриш, эшитиш ва ҳис этиш орқали ойдинлашади. Негаки, талаффузнинг ўзигина тасаввур уйфота олмайди. Шундай экан, миллий маданиятимизга ёт нарса ва ходисалар ўзимизда пайдо бўлмас экан, уни аташ ҳуқуқи ҳам замон ва макондош нутқ эгаларига тегишли бўлади. Бирор, тушунчани қайта номлаш жараёни ҳам нозик масала, кўп ҳолларда бу муваффақиятсизликка учрайди (*самолоёт – тайёра* каби).

### Мисол: “батик” услуби

“Батик” – индонезия тилидан олинган, “бир томчи воск (эфир)” маъносини англатади. Бу билан, тушунча Индонезияда пайдо бўлган деган хulosа келиш керак эмас. Матога маълум суюқлик ёрдамида шакл ёки ёзув тушириш таҳминан V асрларда Мисрда мавжуд бўлган. Шунингдек, қадимги Хитой, Ҳинд адабиётларида ҳам “батик” сўзининг луғавий маъносини англатувчи

тушунчалар учрайди деган тахминлар ҳам йўқ эмас. Муҳими, мазкур тушунча бошқа миллат вакилларига кириб келгунга қадар номланиб бўлган. Инглиз тили луғат тизимида у 1880 йилда Британия энциклопедиясида пайдо бўлади ва яқин 10 йиллар ичида рус тили орқали ўзбек нутқида ўрин эгаллайди, бироқ мамлакатимизда чоп этилган луғатлар таркибида ҳали хануз учрамайди. Демак, миллий дизайн соҳаси атамаларидан бирига айланиб ултурган айни лисоний бирлик ҳам бошқа лексик бирлик сингари ўзбек тилининг луғат тизимида ўрин эгаллашига эҳтиёж сезилмоқда дейиш мумкин.

Ёки, “*тўплам*” сўзига эътиборимизни қаратайлик

1. “*Фестивалнинг учта тўплами Навоий вилоятига бағишиланди...*

2. *икки тўпламда Сармишсой тоши суратлари...*

Ушбу сўзни таҳлил қилишдан аввал “Ўзбек тилининг изоҳли луғати”га мурожаат этамиз.

**ТЎПЛАМ 1** маълум тартибда тўпланган бир турдаги нарсалар йиғиндиси; коллекция. *Қадимги танга чақалар тўплами.*

**2** маълум тартибда тўпланган ва нашр этилган асар, конун қарор ва ш.к. мажмуи; мажмуа. *Шеърлар тўплами. — Тўпламда шоирнинг сара масалалари жамланган.* Газетадан.

**3** Тўп, тўда, уюм. *Бир тўплам ўтин.*<sup>1</sup>

Мисолдаги лексик биринкка таърифда келтирилган изоҳ айнан. Бироқ иккинчи ва учинчи изоҳлардагидек бизнинг мисолимиздаги “тўплам”

<sup>1</sup> Ўзбек тилининг изоҳли луғати. 5 жилдли. 4жилд. – Т., Ўзбекистон миллий энциклопедияси, 2008. – Б. 244.

сборник<sup>1</sup> (мажмуа) маносида ёки кучा<sup>2</sup> (уюм, тӯда, тӯп) маъносида англашилиш эҳтимоли борлиги кишини сергаклантиради. Биз бу билан кўпмаъноли “тӯплам” сўзидан “коллекция” маъносида фойдаланиш заруриятидан воз кечиш керек деган хulosага келамиз. Қуйидаги мисолларда эса ушбу нутқий меъёрнинг бузилмаганлигини кўришимиз мумкин. Мисол: *Муаллифнинг Ўзбекистонга қилган сафари “Самарқанд” деб номланган ушбу коллекциянинг яратилишига сабаб бўлди.*

“Ўзбек тилининг изоҳли луғати”га мурожаат этамиз:

### **КОЛЛЕКЦИЯ** [лат. collectio – тӯплаш, йиғиши]

Бир хил, бир хил турдаги айрим нарсаларнинг (*мас. Танга, марка, китоб ва ш.к.ларнинг тартибга солинган тӯплами*) *Капалаклар коллекцияси. Қадимги маркалар коллекцияси. Минераллар коллекцияси.* — Нормат ҳозирги рассомларнинг суратларини коллекция қиласи, ботинка итига пули бўлмаса ҳам, сўнги чақасига бориб сурат олади. А.Мухтор, Чинор. ...бу портрет

<sup>1</sup> м1 тӯплам, мажмуа; ~ стихотворений шеърлар тӯплами; ~ задач по геометрии геометриядан масалалар тӯплами; ежегодный ~ йиллик (хар йилда чиқадиган) тӯплам; 2тех. Тӯплагич (одатда суюқлик тӯпланиб қоладиган жой ёки идиш); ~ для воды сувтӯплагич; ~ газоочистителя газтозалагичнинг тӯплагичи. (Русча ўзбекча луғат. 2 жилдли. 2-жилд. – Т.: 1984. – Б. 385)

<sup>2</sup> ж 1 уюм, тӯда, тӯп; ғарам; тепа; ~а кирпича бир уюм ғишт; ғишт уюми; ~а песка кум уюми; уйиб кўйилган кум; 2 гала, тӯда, тӯп (одамлар, ҳайвонлар ҳақида); ~а овец бир гала (тӯда) кўй; ~а зевак бир тӯда бекочилар; с битъя в ~у тӯдаланиб (тӯпланиб) қолмоқ, бир ерга ғуж бўлмоқ; 3 разг. кўп, анча, анча-мунча, аллақанча, бир талай; у меня ~а дел менинг ишим кўп, менинг бир талай ишим бор; ~а денег бир талай пул. (Русча ўзбекча луғат. 2 жилдли. 1-жилд. – Т., 1984. – Б. 502)

коллекциямнинг гули бўлади. И.Раҳим, Тинимсиз шаҳар<sup>1</sup>.

Шу маънода, биз учун керак ва фойдаланишга қулай бўлган мазкур тушунчанинг номи ўзбек тилининг луғат таркибидан ўрин олар экан, тўплам сўзига “осилиш”нинг нима кераги бор, деган савол туғилади. Қиёслаймиз:

1. *Дизайнерлар тўпламларида ҳам анъанавий, ҳам замонавий руҳдаги либослар намойши этилди.*
2. *Охирги икки йил мобайнида Лорис Дираннинг коллекциялари истисно тарзидан Италия ва Осиёда намойши этилганди.*

Ишимиздан мақсад миллий тасвирий ва амалий санъатимиздаги атама ва бирликларнинг терминологик муаммосини таҳлил этиш экан, терминлар, қўпинча, умумистеъмол лексикадан маълум бир маъноларининг маҳсуслашуви асосида ҳосил бўлишини айтиб ўтиш жоиз. Терминларга ҳам асл субстанциясидан узилган мустакил лексема сифатида қараш лозим. Бунга терминга қўйиладиган бир маънолилик талаби ҳам асос бўлади. Демак, термин ва умумистеъмол лексема бир нарсанинг икки қирраси, бир лексеманинг икки маънода қўлланиши эмас.

Терминларнинг чегараланган қўлланишга эгалиги уларнинг бошқа соҳа вакиллари учун тушунарсиз бўлиши дегани эмас. Масалан, [тўғри чизиқ], [ган], [сўз туркуми], [тезлик] атамалари қўпчилик учун тушунарли, соҳа кишиларидан бошқалар нутқида кам истеъмолли. Худди шу каби коллекция атамиси ҳам (*синус, косинус* каби) дизайн соҳаси учун кўп истеъмолли ва бошқа соҳа вакиллари учун тушунарли

<sup>1</sup> Ўзбек тилининг изоҳли луғати. 5-жилдли. 3-жилд. – Т., Ўзбекистон миллий энциклопедияси, 2008. – Б. 390.

бўйлмоғи лозим ва уни умумистеъмол *тўплам* сўзи билан алмаштиришга эҳтиёж йўқ.

Хулоса қилиб, замонавий атама ва бирликларнинг ўзбекча муқобилини топиш, муқобили бўйлмаса изоҳлаш ва ўзбек тилининг луғат тизимини бойиши учун хизмат қилишига тўсқинлик қилмасдан, ўзлашма сўзларни ўз ҳолича қолдириш тарафдоримиз.

### **Миллий тасвирий ва амалий санъати атамаларининг ифодаланиш хусусиятлари**

Атаманинг луғатлардаги луғавий маъноси қандай баён этилиши унинг адабий тилда қўлланиши билан белгиланади. Айтиб ўтиш керакки, кўп атамалар умумий луғат тарикибида қайд этилмайди. Улар турли энциклопедияларда ёритиб берилади, маълумотлар кўламига кўра турларга бўлиш мумкин бўлади. Шу нуқтаи назардан, атамалар ҳам оддий сўзлар сингари, хусусан, тасвирий санъат атамалари, мазкур тушунчанинг тил меъёрларини хисобга олиб, лингвистик таъриф ва тавсиф берилишга эҳтиёж сезади. Зоро, умумий луғатларда атамаларнинг факат маълум қисмигина ўз аксини топиши мумкин.

Тасвирий санъатга оид нутқ бирликлари рассом, ҳайкалтарош ёки дизайннернинг иш жараёни, фаолияти (ясаш, чизиш, ёзиш), хомашё (акварель, гуаш, холст, бўёқ), асбоб-ускуна (малберт, политра), касб, ихтисослик (аниалист, рассом, ҳайкалтарош), иш маҳсулоти номлари (абстракт картина, барельеф)дан таркиб топади. Бу бирликлар бир ёки икки ва ундан кўп компонентли бўлиши ҳам мумкин. Одатда таржима жараёнида компонентларнинг кўпайиши ва камайиши кузатилади. Сабаби, эркин сўз бирикмаси бир тилдан иккинчи бир тилга эркин таржима қилинаверади,

турғун бирикмаларни (фразеологизмларни), айниқса қариндош бўлмаган тилларга таржима қилиш қийин. Масалан, *жанрист* – *painter of genre* ёки *витраж* – *stained-glass window*. Бундай атамалар одатда синтактик алоқанинг лексик-грамматик гуруҳи таркибида ўрганилади. (масалан, **JUN TAROQ** [*o'zb.* **jun + taroq**] Gilamdo'zlik moslamasi. Jun tarash uchun ishlatiladigan uzun-uzun tishli taroq.) Нутқ жараёнида уларнинг қисмлари тез-тез бирга қўлланилиши натижасида турғунлик касб этади. Турғун бирикмадаги компонентлар бир-бирлари билан жипсласиб аста-секин ўзларининг илгариги маъноларидан узоқлашадилар, компонентлар айри олинган холда ўз мустақиллигини йўқотган бўлади (мутлоқлашади).

Тасвирий ва амалий санъати лексикасидаги ўзлашма терминларнинг аксарияти содда сўзлардан иборат эканлиги билан характерланади. Шунингдек, уларнинг кўпчилиги уч (ўзбек, рус, инглиз) тилда ҳам бир хилда истифода этилиши умумийлик касб этади. Масалан, *абстракционизм, автолитография, барокко*. Мазкур атамаларнинг аксарияти француз, лотин, италян тилларидан кириб келган. Ўзбек миллий санъати асл терминологияси эса қадимий ва бой тарихга эга халқ амалий санъати лексик бирликларидан таркиб топади. Хусусан, *дастурхон, сўзана, сандал, доира* каби сўзлар бугунги кунда рус тилида кенг тарқалган.

Ўзбек тасвирий ва амалий санъати терминларини рус ёки инглиз тилига таржима қилиш жараёнида қўшимча изоҳлар билан берилиши талаб этилади. Чунки халқ тилида кенг тарқалган *алвон, гулгун, қаҳрабо, заъфарон, оқчил, сафсар, кўкча, пистоқи*<sup>1</sup> каби рангларнинг турлича атамлари рус ва инглиз тилларида мавжуд эмас. Масалан, қуйидаги атамани

<sup>1</sup> Норматов Н. Ранглар юртига йўл. – Т., Ношир. 2013

рус ёки инглиз тили орқали кириб келган атамаларни ўз нутқий меъёрларимизга мослаштириб талаффуз этганимиз каби (масалан, акварель – akvarel) ўша тил вакиллари учун қулай бўлган талаффузда қайд этишга тўғри келади.

**ФИРКЎК** Кўк рангга нисбатан яқин, яъни кўк осмон кабилар назарда тутилади.<sup>1</sup>

**ГИРКОК** Имеется ввиду типа синее небо, ближе к синему цвету.

**GHIRKOK** Means blue sky, close to blue colour.

Нодир Норматовнинг “Ранглар юртига йўл” номли китобида қадимги архаик атамалар ҳам берилган, уларнинг изоҳи тадқиқот учун катта бир материал бўлиб хизмат қилиши мумкин. Чунки сўзларнинг этимологияси, тушунчанинг пайдо бўлиш эволюцияси сир-синоатга бойлиги билан аҳамиятлидир. Жумладан, *асфар*, *ахсар*, *байзо*, *биржина*, *варди*, *сафсан* каби атамаларнинг мазмуни, нафақат омма учун, балки, ёш ижодкорлар учун ҳам қоронғу. Улар орасида *-ий*, *-ни*, *ёки* *-гун* қўшимчалари билан ясалганлари ҳам бор. Масалан, *ёқумий*, *кабудий*, *төвусий*, *сурмагун*, *сабзагун*, *лолагун*, *осмони*, *райҳони* каби атамаларнинг ўзак қисмига қараб тушунчани аниқлаб олиш мумкин. Бироқ мазкур арахаик тасвирий санъат атамларининг аксарияти форс-тожик тилидан кириб келган, бугунги кунда уларнинг кўпчилиги қайта номланиб ёки эскириб қолган. Уларга изоҳли луғат таркибидан ўрин берилиши ҳам мунозарали масала ҳисобланади.

2006 йилда ЮНЕСКОнинг Ўзбекистондаги ваколатхонаси томонидан “Байсун. Атлас художественных ремесел” номли асарда келтирилган глоссарийда ўзбекча атамаларнинг русча изоҳи юкорида зикр этилган тартибда берилади. Масалан,

<sup>1</sup> Норматов Н. Ранглар юртига йўл. – Т., Ношир. 2013

*джойнамоз, джун тарок, дастархан, сюзане, дигдигя-  
джул, гаджак-гуль<sup>1</sup>.*

Мазкур асарда берилган халқ амалий санъатига оид атамаларнинг айримлари ясама, уларнинг кўпчилиги бошқа тилларидан кириб келган сўзларни ташкил этади. Бу тил тараққиётининг асосий қонунларидан бири. Сабаби, ўзбек халқи ўз тарихий тараққиёти жараёнларида бошқа халқлар билан ҳам сиёсий, иқтисодий, маданий алоқада бўлиб келганки, бу, тилда ҳам ўз ифодасини топган. Ана шундай сўзлардан бири – **нусха** [а. نسخه – андоза, ўхшаш, намуна; адад, дона<sup>2</sup>]. Шу сўз иштирокидаги сўз биримлари яхлит маъно касб этиб, халқ амалий санъати атамалари сифатида намоён бўлади. Бу ерда ҳам рус тилидаги ифодасида фонетик ўзгариш ҳодисаси рўй беришининг гувоҳи бўламиз:

“атлас-нуска – узор, появился в подражание атласным тканям

дуппи-нуска – крестообразный орнамент

кеклик-нуска – орнамент в виде W, напоминающий ткачихам грудь ощипанного кеклика

шои-нуска – абрывый узор на коврах, в подражание атласным тканям”<sup>3</sup>.

Айрим ўринларда унинг “гул”, яъни “нақш” маъносида келиши ҳам кузатилади. Масалан, “чаён гул, чаён нусха (узор скарпион) – зооморфный мотив, элемент орнамента сюзане и мужских тюбетеек”<sup>4</sup>.

<sup>1</sup> Ҳакимов А. Гуль Э. Байсун – атлас художественных ремёсел. – Т., «PRINT-S», 2006.

<sup>2</sup> Ўзбек тилининг изоҳли лугати. – Т., Ўзбекистон Миллий энциклопедияси. 2008. 3-ж. – 67 б.

<sup>3</sup> Ҳакимов А. Гуль Э. Байсун – атлас художественных ремёсел. – Т., «PRINT-S», 2006.

<sup>4</sup> Ҳакимов А. Гуль Э. Байсун – атлас художественных ремёсел. –

Шу ўринда, “гул” ва “нақш” лексемаларининг семантикасида катта фарқ бўлгани ҳолда, мазкур халқ амалий санъати атамалари тизимида ўзаро муқобиллик характеристига эга эканлигини айтиб ўтиш жоиз. Ўзбек тилининг изоҳли луғатида гул сўзига берилган таърифларнинг бирида, юқорида айтиб ўтилган мазмунга яқин изоҳи келтирилган:

“З Бирор нарсага табиатдаги гуллар шаклида чизиб, тикиб, босиб ёки ўйиб туширилган безак, нақш; орнамент”<sup>1</sup>.

Изоҳли луғатда “гул” “нақш”нинг синоними эмас, балки “гулли нақш” тушунчаси берилмоқда. Аммо қўйидаги мисолларнинг таркибида *гул* сўзи иштирок этган ясама атамалар одатда нақшни, янада аниқроқ айтадиган бўлсақ, нақш таркибидаги элементларни, хусусан, нақш услубини англатиб келади: *гаджак-гуль*, *киркдон гуль*, *алача-гуль*, *даста-гуль*, *косагуль*, *лола-гуль*, *пахтагуль*, *хапомат гуль*, *чаён гуль*, *донгуль* ва ш.к.. Айрим ўринлардан *нақши* сўзининг ўзи ҳам ясама атаманинг ҳоким сўз сифатида келишини кузатишимииз мумкин: “кул солди нахыш (букв. вложенная рука) – ромбовидный мотив на коврах терме”<sup>2</sup>“

Ўзбек халқ хунармандчилигида энг юқори санъат тури – гиламдўзлик. Азал-азалдан чет эл фуқаролари онгида гилам шарқ халқлари, хусусан, форс-тожик аёллари билан боғлиқ равишда тасаввур (ассоциация) уйғотиб келган. Энг сифатли ва бежирим, шу билан бирга, мукаммал санъат даражасига кўтарилилган гиламлар айнан Ўрта Осиёда етишиб чиқкан. Шунинг

Т., «PRINT-S», 2006.

<sup>1</sup> Ўзбек тилининг изоҳли луғати. – Т., Ўзбекистон Миллий энциклопедияси, 2008. 1-ж. –Б. 516.

<sup>2</sup> Ҳакимов А. Гуль Э. Байсун – атлас художественных ремёсел. – Т., «PRINT-S», 2006

учун, гиламдўзлик техника ва технологияси, тури, ишлаб чиқариш механизми билан боғлиқ нутқий бирликлар кўпроқ форс-тожик тилларидан кириб келган. Масалан, гиламнинг “*такир-гилам, окэнли-гилам, окли-гилам, терме-гилам, чумчуг-гилам, холи-гилам, бурама-гилам, гаджари-гилам, пахта-гилам, кохма-гилам, каишари-гилам* каби турлари, *айнакигов, айнакитов*<sup>1</sup> сингари гилам нақш турлари ўзбек гиламдўзлари нутқида кенг фойдаланилади.

Ўзбек ва форс-тожик тиллари ўртасидаги азалий алоқа ва муносабатларни фақат ўзбек ва тожик халқлари ўртасидаги муносабатлар орқали изоҳлаш мумкин. Ўзбекистоннинг кўпгина ҳудудларида ўзбеклар ва тожиклар бирга яшашади. Бу бирлик асосидаги ўзбек ва тожик ўзаро оғзаки мулокоти Бухоро, Самарқанд шаҳарларида ўзбек ва тожик иккитиллигини шакллантирган бўлса, кўп асрлар давомидаги буюк мутафаккирлар Абдураҳмон Жомий ва Алишер Навоий, Муқимий ва Муизий, Садриддин Айний ва Ойбеклар ўртасидаги илмий-адабий ҳамкорлик ва зуллисонайнлик анъаналарини давом эттириди, ривожлантириди. Темурийлар даврида ва кейинчалик Бухоро, Қўқон хонликларида давлатидора ишларининг икки тилда олиб борилиши, шубҳасиз, ҳар икки тилнинг ҳам фонетик, лексик-грамматик равнақига самарали таъсир кўрсатган. Шунинг учун, тожик-форс тилининг ўзбек тилига ва ўзбек тилининг тожик-форс тилига таъсирини фақат бу адабий тиллар лексикасида эмас, балки уларнинг товушлар таркибидаги грамматик қурилишда ҳам кўриш мумкин. Лексикада: *кафт, обру, оҳанг, баҳор, бекор, ҳамроҳ, поитахт, астайдил, оташин, баланд,*

<sup>1</sup> Ҳакимов А. Гуль Э. Байсан – атлас художественных ремёсел. – Т., «PRINT-S», 2006.

*паст, камтар, рўпара* каби; фонетикада: ўзбек тили унлилар тизимидағи айрим ўзгаришлар, тожикча сўз бошида *г, л, з, в, р* товушларининг одатий қўлланиши; грамматикада: *-боз, -бон, -дўз, -намо, -паз, -парвар, -фуруш, -хона* каби ясовчилар, *бе-, ба-, бар-, сер-, но-, шиши-, пур-, бо-* каби префикслар ва бошқалар.

Амалий санъат атамаларида тез-тез учраб турадиган ана шундай грамматик кўрсаткичлардан бири – *-пўши*. “*Кий*” ҳамда “*кийим*” маъноларини берувчи бу морфема форс тилида алоҳида сўз<sup>1</sup>. Бироқ, *борпўши, жойпўши, каллапўши, сандалипўши* атамалари дастлаб лексик-грамматик йўл билан синтактик алокга киришиб, эндиликда ўзбек тилида мустақил сўз сифатида ёлғиз тушунчани ифодалаб – атаб келмоқда. Уларнинг нутқий қўлланиши ҳам ўзлаштирилган тилдан унча катта фарққа эга эмас. Бироқ мазкур бирликларнинг бошқа хорижий (масалан, рус ёки инглиз) тилларда ифодаланиши нутқий шароит туфайли турлича намоён бўлади – товушларнинг комбинатор-позицион ўзгариши содир бўлади. Яъни хорижий тилда мавжуд ёндош товушга мослашиши, бошқа товушга алмашиши кузатилади. Сабаби, ҳар бир тилнинг нутқий меъёрлари, орфоэпик хусусиятлари ўзига хос. Атамалар эса ҳар қандай тилда ҳам ўз ҳолича сақланиб қолиш тамойилига асосланади. Юқорида зикр этилган асарда мазкур атамалар *борпуши, джойпўши, каллапўши, сандалипўши* шаклида истифода этилади.

Хулоса қилиб шуни айтиш мумкинки, терминологик изоҳли лугатда ўзбек миллий тасвирий ва амалий санъат атамаларининг рус ва инглиз тилларидаги ифодаси ва изоҳи юқоридаги жиҳатлари, яъни ҳар бир тилнинг фонетик хусусиятлари, нутқий

<sup>1</sup> Фарҳангি забони тожики. 2-жилд. М.Ш. Шукуров ва бошқ. таҳрири остида. – М., Советская энциклопедия. – 1969. 107 б.

тамойиллари инобатга олган ҳолда бўлиши мақсадга мувофиқ.

## **Фасл бўйича хулоса**

Атамаларининг кенг миқёсда тадқиқ этилиши бир неча афзалликларга эга бўлиб, айниқса, санъат соҳасига тегишли нутқириклиарни объективравишдар ўйхатга олиш, мазкур бирликлар ҳақидаги тасаввурни кенгайтириш, санъат атамалари таркибини жорий қилиш ҳамда улардан фойдаланишнинг ўзига хосликларини аниқлаш учун кенг йўл очади. Зоро, хозирда кам истеъмолли миллий тасвирий санъат атамаларини бир тизимга солиш, уларнинг русча ва инглизча изоҳларини тузиш кун тартибидаги масаладир. Бунда ўзлашган атама ва бирликларнинг ўзбекча муқобилини топиш, муқобили бўлмаса изоҳлаш ва ўзбек тилининг луғат тизимини бойиши учун хизмат қилишига тўсқинлик қилмасдан, ўзлашма сўзларни ўз ҳолича қолдириш мақсадга мувофиқ. Чунки, ўзбекча тасвирий ва амалий санъати терминларини рус ёки инглиз тилига таржима қилиш жараённида қўшимча изоҳлар талаб этилади. Халқ тилида кенг тарқалган миллий атамаларнинг аксарияти рус ва инглиз тилларида мавжуд эмас. Демак, ўзлашма атамани ўз нутқий меъёрларимизга мослаштириб талаффуз этганимиз каби, миллий атамани ҳам ўша тил вакиллари учун қулай бўлган талаффузда қайд этиш эҳтиёжи юзага келади ва луғатда ўзбек миллий тасвирий ва амалий санъат атамаларининг рус ва инглиз тилларидаги ифодаси ва изоҳи ҳар бир тилнинг фонетик хусусиятлари, нутқий тамойиллари инобатга олган ҳолда бўлиши мухим масаладир.

## ХУЛОСА

Дарсликларнинг ёрдамчи манбааси сифатида хизмат қилувчи луғатлар она тилимизни тўлиқ ўзлаштиришда муҳим билим манбай ҳисобланади. Тафаккурнинг тараққий этишида уларнинг ўрни бекиёс. Зеро, оғзаки ва ёзма нутқни ўстириш воситаси бўлган ўқув дарсликлар ўз вазифасини тўла бажара олмайди. Шундай экан, луғатлар тил таълимининг мазкур бўшлигини тўлдириша катта замин яратади.

Бу борада бир қанча ишлар қилинган бўлиб, улар кўптилли эмаслиги, ва ёки атамаларнинг фақат номи ўзбек, рус ва инглиз тилларида келтирилганлиги, уларнинг талқини берилмаган ёки фақат ўзбек тилида эканлиги билан тилшунослар олдида муаммо сифатида намоён бўлмоқда. Шунинг учун санъат соҳасидаги барча атамаларнинг луғати яратилиб, изоҳи уч тилда берилиши кўзда тутилмоқда.

Ўзбекистоннинг турли худудларида айrim атамалар ҳар хил. Шунинг учун ушбу атамалар изоҳли луғатининг яратилиши ифодаларни тушунишдаги ҳар хилликка барҳам беради. Халқ усталарининг бу санъат соҳасидаги ютуқлари билан таништиришда ҳамда келажак авлодга ўзбек миллий санъатини мукаммал ўргатишда муҳим манбаа вазифасини ўтайди. Мазкур атамалар санъат соҳасининг турли йўналишларига бағишланган, масалан, худудий жиҳатдан, йўналишлари, тури, техникаси, усули, этимологияси нуқтаи назаридан ва ҳоказолар. Луғатда уларни тўплаб бир тизимга солиш, замон талаблари даражасида ҳар бирининг ўзбекча, русча ва инглизча изоҳларини келтириш, талаба-ёшлар, профессор-ўқитувчилар ва

шу соҳага қизиқувчилар учун мўлжалланган адабиёт сифатида намоён бўлади.

Санъат соҳасига оид атамалар лугатини яратиш бир неча афзаликларга эга. Жумладан, санъат соҳасига тегишли нутқ бирликларини обьектив равишда рўйхатга олиш, балки мазкур бирликлар ҳақидаги тасаввурни муайян миқдорда кенгайтириш, санъат атамалари составини жорий қилиш ҳамда улардан фойдаланишнинг ўзига хосликларини аниқлаш имконини беради. Унда замонавий атама ва бирликларнинг ўзбекча муқобилини топиш, муқобили бўлмаса изоҳлаш ва ўзбек тилининг луғат тизимини бойиши учун хизмат қилишига тўсқинлик қилмасдан, ўзлашма сўзларни ўз ҳоличи қолдириш муҳим аҳамиятга эга. Ўзбек тасвирий ва амалий санъати терминларини рус ёки инглиз тилига таржима қилиш жараёнида кўшимча изоҳлар билан берилган. Чунки, халқ тилида кенг тарқалган миллий атамалар рус ва инглиз тилларида мавжуд эмас. Ўзлашма атамани ўз нутқий меъёрларимизга мослаштириб талаффуз этганимиз каби, миллий атамани ҳам ўша тил вакиллари учун қулай бўлган талаффузда қайд этиш мақсадга мувофиқ. Шунингдек, лугатда ўзбек миллий тасвирий ва амалий санъат атамаларининг рус ва инглиз тилларидаги изоҳи ҳар бир тилнинг фонетик хусусиятлари, нутқий тамойиллари инобатга олинган.

# АДАБИЁТЛАР

1. Абдуллаева Ч. Тоирова Ф. English for art and design students II. – Т., Янги аср авлоди. 2014.
2. Азимов Б.Ж. Сабзавотчилик атамаларининг русча ўзбекча кисқача лугати. – Т., 1997. – 85 б.
3. Алексеева Л.М. Деривационный аспект исследования термина и процессов терминообразования (на материале научно-технической терминологии русского и английского языков): Автореф. ... дис. канд. филол. наук. – Пермь, 1990. – 19 с.
4. Ахмедов К.С. Кимё атамаларининг русча ўзбекча кисқача лугати. Монография. – Т., Фан, 1993. – 41 б.
5. Ахмедова М. М. Инглизча ўзбекча русча ботаника атамалари лугати. – Т., Ўзбекистон, 2003. – 128 б.
6. Ахмедов F. Русча ўзбекча юридик атамалар лугати. – Т., Адолат, 2002. – 328 б.
7. Аъзамов А. Атмосфера физикасидан русча ўзбекча атамлар лугати. – Т., 2004. – 96 б.
8. Баско Н.В., Шетэля В.М. Системные связи и словообразовательная структура терминов бизнеса // Научно-техническая терминология. – М., 2001. – №2. – С. 14-16.
9. Бекжонов Р.Б. Физикадан русча ўзбекча атамалар лугати. 20000 га яқин сўз. – Т., Ўқитувчи, 1991. – 296 б.
10. Бинокорлиқдан русча ўзбекча атамалар лугати. Монография. – Т., Комуслар бош таҳририяти. 1994. – 222 б.
11. Биология атамаларининг русча ўзбекча кисқача лугати. Монография. – Т., Фан, 1995. – 67 б.
12. Бобоёров М.Х. Мустакиллик даври жисмоний тарбия ва спорт атамаларининг шаклланиши. Фил.фан.номз... автореф... 10.02.02. – Самарканд, 2002. – 33 б.
13. Бобоҷонов Ш. Исломов И. Ўзбек тилининг сўзлар даражаланиш ўқув лугати. – Т., Янги аср авлоди. 2009.
14. Божхона атамалари русча ўзбекча кисқа лугати. – Т., 2002. – 112 б.
15. Борисова Л.И. Лексико-стилистические трансформации в англорусских научно-технических переводах (Метод. пособие). – М., ВЦП, 1981. – 168 с.
16. Булатов С.С. Ганчорлик, наққошлиқ ва ёғоч ўймакорлиги атамаларига оид изоҳли лугат. – Т., Мехнат, 1991. – 78 б.
17. Бўриев Х. Биология атамаларининг русча ўзбекча кисқача лугати. – Т., 1995. – 250 б.
18. Васильева Н. В. Термин и имя собственное в текстоэнциклопедической статьи // Научно-техническая терминология. – М., 2001. – №2. – С. 26-27.

19. Геология атамаларининг русча ўзбекча қисқача лугати. Ўзбекистон Республикаси атакуми. Тошкент давлат Техника университети. – Т., Фан, 1994. – 95 б.
20. Гринев С.В. Введение в терминоведение. – М., Московский лицей, 1993. – 309 с.
21. Гринев С.В. Введение в терминографию. – М.: Изд-во МГУ, 1995. – 158 с.
22. Даниленко В.П. Об одной модели терминов-словосочетаний // Научно-техническая терминология. – М., 1973. – № 10. – С. 12-13.
23. Даниленко В.П. Русская терминология. – М., Наука, 1977. – 245 с.
24. Дўстмуродов Д. Кимё атамалари лугати. – Т., Ўзбекистон, 2003, – 400 б.
25. Дўстмуҳаммедов Ж. Инглизча ўзбекча русча иқтисодиёт атамалари лугати. – Т., Ўзбекистон, 1994. – 124 б.
26. Ефремова Т.Ф. Новый словарь русского языка. Толково-словообразовательный. – М., Русский язык, 2000.
27. Замонавий она тили. Мавзулаштирилган лугат. Тузувчилар Б.Менглиев ва б. – Т., Шарқ, 2011. – 280 б.
28. Замонавий она тили. Мавзулаштирилган лугат. Тузувчилар Б.Менглиев ва б. – Т., Шарқ, 2011. – 280 б.
29. Захарчук Е.А. Родо-видовое соотношение понятий как проявление систематизирующих свойств терминосочетаний // Научно-техническая терминология. – М., 2001. – № 2. – С. 45-47.
30. Йўлдошев Қ. Миллий ғоя ва адабий таълим // Ўзбекистон овози. 2000 йил 21 декабрь.
31. Кадрлар тайёрлаш миллий дастури / Ўзбекистон Республикаси конун хужжатлари тўплами, 2007 й., 15-сон, 150-мода
32. Каримов И.А. Баркамол авлод – Ўзбекистон тараққиётининг пойдевори. – Т., Шарқ, 1997. – 32 б.
33. Каримов И.А. Юксак маънавият – енгилмас куч. – Тошкент: Маънавият, 2007. – Б. 87.
34. Кузьмин Н.П. К вопросу о сущности термина. // Вестник – М., / МГУ. Выпуск 4. 1962 Серия: История языка и литературы. № 20.
35. Кузьмина Н.Б. Морфолого-семантические очерки терминологии языкоznания: Автореф... дис. канд. филол. наук. – Минск, 1971. – 32 с.
36. Кўчимов Ш. Ўзбек миллий ҳукукий атамаларида шакл ва мазмун бирлиги муаммолари // Ўзбек тили ва адабиёти. – Т., 2001. – № 6. – 130 б.
37. Қишлоқ ҳўжалиги иқтисодиёти атамаларининг русча ўзбекча лугати. – Т., Ёзувчи, 1994. – 62 б.
38. Латипов А., Фуломов И. Ер тузиш ва ер кадастри бўйича атамаларнинг русча ўзбекча лугати. Монография. – Т., 1995. – 79 б.
39. Лотте Д.С. Основы построения научно-технической терминологии. – М., 1961. – С. 21-22.

40. Мамбетова С.К. Термины искусства и особенности их перевода на английский язык. – Бишкек, 2008.
41. Махмудов Н. Миллий мафкура ва она тили // Халқ сўзи. 2000 йил 13 июнь.
42. Маъдан геологияси атамаларининг қисқача изоҳли русча ўзбекча лугати. – Т., ГИДРОИНТЕО. 2002, – 250 б.
43. Менглиев Б. Баҳридинова Б. Ўзбек тилининг сўз таркиби ўкув лугати. – Т., Янги аср авлоди. 2009.
44. Менглиев Б. Бойматова О. Худойбердиева М. Ўзбек тили иборалари ўқув лугати. – Т., Янги аср авлоди. 2009.
45. Миллий ғоя: асосий тушунча ва тамойиллар (маъруза матнлари учун материаллар). – Т., Янги аср авлоди, 2001. – 184 б.
46. Миллий ғоя: тарғибот технологиялари ва атамалари луғати. – Т., Академия, 2007. – 352 б.
47. Миллий истиколол ғояси: асосий тушунчалар, тамойиллар ва атамалар. Монография. Ўзбекистон Республикаси фан ва технологиялар маркази. Ўзбекистон файласуфлари миллий жамияти. – Т., Янги аср авлоди, 2002, – 191 б.
48. Мирабдулла ўғли Мирортиқ. Жўғрофий атамалар луғати. – Т., 1992, – 56 б.
49. Мирзаев М.М. ва б. Боғдорчилик ва токчилик атамаларининг русча ўзбекча қисқача луғати. Монография. – Т., Фан, 1995, 78 б.
50. Мирсоатов Т.З. Немисча ўзбекча грамматик атамалар изоҳли луғати. Монография. – Т., Ўқитувчи. 1992, – 152 б.
51. Мусаев Ш.М. Микробиология атамаларининг русча ўзбекча изоҳли луғати. Монография. – Т., Фан, 1975, 94 б.
52. Мустақиллик: Изоҳли илмий-оммабоп луғат. – Т., Шарқ, 2000. – 318 б.
53. Нарходжаева Х.Ш. Ўзбек тилида жараён англатувчи терминларнинг лингвистик тадқики: Филология фанлари бўйича фалсафа доктори (Phd)... дисс. – Т., 2017. – 154-б
54. Нодир Б. Таасвирий ва амалий санъат атамаларининг изоҳли луғати. – Т., Санъат, 2001
55. Норматов Н. Ранглар юртига йўл. – Т., Ношир. 2013.
56. Норхўжаева Х. Ўзбек тилининг эскирган сўзлар ўқув луғати. – Т., Янги аср авлоди. 2009.
57. Нурмонов А., Мадвалиев А., Маҳкамов Н. Мустақиллик даврида ўзбек тилшунослиги тараккиёти // Ўзбек тили ва адабиёти. – Т., 2011. – № 3. – Б. 3-11.
58. Одам скелети суюкларининг рентгеноанатомик атамалари. Монография. – Т., Ибн Сино, 1992. – 71 б.
59. Ожегов С.И. Словарь русского языка: Ок. 57000 слов./Под ред. чл.-корр. АНССР Н.Ю.Шведовой. 20-е изд., стереотип. – М., Рус. яз., 1989. – 750 с.

60. Она тили. Қомус. Тузувчилар Б.Менглиев ва б. – Т., Янги аср авлоди, 2010. – 268 б.
61. Ортиков А. Иқтисодий хукуқ атамаларининг изоҳли лугати. – Т., Фоғур Ғулом номидаги адабиёт ва санъат нашриёти, 1996, – 168 б.
62. Пищулина Ю.Ф. Выражение пространственно-временных свойств категории действия в медицинской терминологии // Научно-техническая терминология. – М., 2001. – № 2. – С. 74-76.
63. Расулов А.А. Гидрология атамалари ва тушунчаларининг русча ўзбекча лугати. – Т., Университет. 1993, – 96 б.
64. Рашидов Д. Мухандислик геологияси ва гидрология атамаларининг русча ўзбекча кискача лугати. Монография. – Т., Фан, 1995.
65. Реформатский А.Н. Что такое термин и терминология. // Вопросы терминологии. – М., Наука, 1961. – С.65-71
66. Русча немисча ўзбекча методик атамалар лугати. – Т., Ўқитувчи, 1992, – 143 б.
67. Сайфуллаева Р.Р. ва б. Ҳозирги ўзбек адабий тили. – Т., “Фан ва технология” нашриёти. 2010. – 121 б.
68. Салимов О.У. ва б. Русча ўзбекча политехника атамалари лугати. – Т., Фан, 1995. – 356 б.
69. Сапаев Қ. Курилиш терминологиясидаги синонимия масаласига доир. // Ўзбек тили терминологияси ва унинг тараққиёт перспективалари: 1 республика терминология конференцияси материаллари. – Т., Фан, 1986. – Б. 37-39
70. Тожиева Г.Н. Ўзбек тили маънавий-маърифий лексикасининг мустақиллик йилларидағи тараққиёти: Филология фанлари бўйича фалсафа доктори (Phd)... дисс. – Т., 2017. – 135 б.
71. Тошбоев О.Ш. Миллий истиқлол мағқурасининг шаклланишида матбуотнинг ўрни: Филол. фан. номз... дисс. автореф. – Тошкент, 1999. – 152 б.
72. Тўрахожаева А.Х. Мустақиллик шароитида ўзбек тили ижтимоий-сиёсий лексикасининг тараққиёти: Филол. фан. номз. дисс. ... автореф. – Т., 2012. – 26 б.
73. Ўзбек тилининг изоҳли лугати. – Т., Ўзбекистон Миллий энциклопедияси. 2006. 5-ж. – 562-б
74. Умаров А. Аҳмедов М. Тасвирий санъат атамаларининг изоҳли лугати. – Т., Ўқитувчи. 1997. – 36 б.
75. Усатый И.Б. Структурно-грамматические особенности составных терминов-названий частей речи // Электронный научный журнал «Вестник Омского государственного педагогического университета» Выпуск 2007. [www.omsk.edu](http://www.omsk.edu)
76. Фармацевтик атамаларнинг русча ўзбекча изоҳли лугати. Мухаррир фалс.фан.номз. А.Б.Кабиров. – Т., Зар қалам, 2004. – 168 б.
77. Фарҳанги забони тажики. 2-жилд. М.Ш. Шукуров ва бошқ. таҳрири остида. – М., Советская энциклопедия. – 1969. – 107 б.

78. Хожиев А.П. Тилшунослик атамаларининг русча ўзбекча лугати. – Т., Фан, 1993. – 46 б.
79. Холмуродов Р.И., Шарофитдинов К.Ш., Азизов А.П. ва б. Курилишга доир атамаларнинг русча ўзбекча лугати. – Т., Ўзбекистон, 1993 – 111 б.
80. Ҳакимов А. Гуль Э. Байсун – атлас художественных ремёсел. – Т., «PRINT-S», 2006.
81. Ҳамраева Ё. Ўзбек тилининг ўзлашма сўзлар ўкув изоҳли лугати. – Т., Янги аср авлоди. 2009.
82. Чориев. З. Тарих атамаларининг қисқача изоҳли лугати. – Т., Академия, 2002. – 316 б.
83. Шукуров О. Бойматова Б. Ўзбек тилининг маънодош сўзлар ўкув лугати. – Т., Янги аср авлоди. 2009.
84. Шукуров Р. Терминлар синонимияси хусусида. // Ўзбек тили терминологияси ва унинг тараккиёт перспективалари: 1 республика терминологияси материаллари. – Т., Фан, 1986. – Б. 32-34.
85. Эргашев Т. Иқтисодий атамаларнинг ўзбекча инглизча русча лугати. – Т., Шарқ, 2001. – 63 б.
86. Юнусов Н. Электроника бўйича асосий тушунча ва атамаларининг ўзбекча русча инглизча изоҳли лугати. – Т., 1996.
87. Юридик атамалар қомусий лугати. Масъул мухаррир Х.Р. Раҳмонкулов, – Т., Шарқ, 2003, – 432 б.

## **МУНДАРИЖА**

<b>СЎЗБОШИ .....</b>	<b>7</b>
<b>КИРИШ .....</b>	<b>14</b>
<b>Биринчи фасл .....</b>	<b>19</b>
<b>АТАМАЛАРИНИНГ СЕМАНТИК СТРУКТУРАСИ ҲАҚИДА .....</b>	<b>19</b>
Атамаларнинг таснифи ва талқини .....	21
Тасвирий ва амалий санъат атамаларининг миллийлик хусусиятлари.....	33
<b>Иккинчи фасл .....</b>	<b>45</b>
<b>АТАМАЛАРНИНГ ЛУҒАТЛАРДАГИ ТАЛҚИНИ .....</b>	<b>45</b>
Атамалар луғатлари ҳақида.....	47
Миллий тасвирий ва амалий санъат атамалари луғати муаммо сифатида .....	53
<b>Учинчи фасл .....</b>	<b>63</b>
<b>МИЛЛИЙ ТАСВИРИЙ ВА АМАЛИЙ САНЪАТ АТАМАЛАРИ ТАДҚИҚИ .....</b>	<b>63</b>
Миллий тасвирий ва амалий санъат атама ва бирликлари таҳлили.....	66
Ўзлашма тасвирий ва амалий санъат атама ва бирликларининг қўлланиш хусусиятлари .....	73
Миллий тасвирий ва амалий санъати атамаларининг ифодаланиш хусусиятлари.....	79
<b>ХУЛОСА .....</b>	<b>90</b>
<b>АДАБИЁТЛАР .....</b>	<b>93</b>

